

四庫全書薈要

• 乾隆御覽本

子部

揚子法言卷五

晉李軌 唐柳宗元 注

宋宋咸吳祕司馬光 重添注

問明篇

窮神知化是謂明矣故次之問神

明哲煌煌旁燭無疆

咸曰明哲之人逆見微隱故施照無窮

遜于不虞

祕曰

遜遜順虞度也遜順乎不虞之非理

以保天命

咸曰不虞猶不度也遜順也大雅云既明且哲以保

其身故不度之辰遜可捨乎揚子之屈身莽庭亦有謂矣故曰邦無道危行言遜○光曰李奇曰常行遜順以

備不虞光謂雖有明智旁照無極不能思不虞之患
而預防之使墜失上天福祿之命猶未足以為明也
誤

問明

秘曰君子見幾而作不俟終日而遠
憂患之虞○光曰論聖賢之明智

或問明曰微

咸曰夫微研幾極深規於未兆者
也○秘曰見之於著何足為明

或曰微

何如其明也

咸曰未論微義疑不為
明○光曰嫌其明小

曰微而見之明其

諄乎

秘曰微已察之明豈亂哉
諄亂也○光曰諄布內反

聰明其至矣乎

在於至妙
之人○咸

曰言窮微乃聰明至極之美也○秘曰先曰聰明大思舜曰
聞之聰明○先曰聰者聞言察其是非明者見事知其可否
人君得之為堯為舜匹夫得之
窮神知命才之至美莫高於此
不聰實無耳也不明實無

目也

咸曰言不聰不明雖有耳目與無同也○先曰
愚者顛倒是非反易忠邪雖有耳目何異聾瞽
敢

問大聰明

咸曰既知微義復問大者

曰眩眩乎惟天為聰惟天為明

夫能高其目而下其耳者匪天也夫

目高則無所不聞耳下則無所不聞

言人高其目則覩德義之經聖人之道下其耳則聽芻蕘之言負薪之說○咸曰眩眩猶杳而冥也書曰天聰

明自我民聰明大天聽之卑而及于民則耳可謂下矣故明王之所以不棄市井商賈之言者蓋此也閭主則

不然○光曰音義曰眩胡涓切眩眩也蓋貌尤謂物之視聽苟於形聲天則聽於無聲視於無形發於心者天

必知之故無若天之聰明也目高所以見遠耳下所以聽卑

或曰小每知之可謂師

乎曰是何師歟是何師歟天下小事為不少矣

巧歷所不能算

每知之是謂師乎

秘曰小事甚多每

人知之宜皆師乎師之貴也知大知

也秘曰賢者志其大者大知聖人小知之師亦賤矣遠致

恐泥是以君子不為故不貴也○光曰相難拘奕恭蹈陶雖妙何足師乎孟子疾過我門而

不入我室光曰過或曰亦有疾乎光曰問揚子曰撫我

華而不食我實華者美麗之賦實者法言太玄○咸曰

七篇與法言為教一也但無太玄爾註以華為賦實亦

為法言恐非其意○秘曰孟子與子雲俱遊於聖人之

門而不與同入室孟子不言易而子雲准易是以謂之

夫易者禮法之所宗仁義之所本孟子言其教故曰撫

我華不言其易故曰不食我實孟之時力言仁義時君

猶謂迂闊何暇言易乎今揚譏之示人之宗本耳○光

曰撫音隻拾也皆謂小知或謂仲尼事彌其年蓋天勞

浮淺之人不能窮微探本

諸病矣夫

祕曰仲尼彌年行教蓋天勞之其病夫○先

蓋天勞苦之亦困病矣莊列之論如此

曰天非獨勞仲尼亦自勞也天病

乎哉

咸曰易云天行健君子以自強不息法夫天者也如是則天亦勞何病之有○先曰天日行一周踰

一度未嘗休

天樂天

咸曰所以

聖樂聖

咸曰所以歷聘不暇○祕曰天

聖非所病則自然樂其道矣○先曰言天聖各得其道行之自樂

或問鳥有鳳獸有麟

鳥獸皆可鳳麟乎

言凡鳥獸之不可得而鳳麟亦猶凡夫不可強通聖人之道○祕曰疑夫

睥騷之馬亦騷之乘也○先曰言鳥獸不可為鳳麟猶庸人不可為聖

曰羣鳥之於鳳也

羣獸之於麟也形性

祕曰形性殊別豈羣人之於聖乎

鳥獸大小形性

各異人之於聖晦藏並同○秘曰肖天地之貌懷五常之性豈有異乎所不同者惟道耳○光曰聖人與人皆人也形性無殊何為不可及或曰甚矣聖道無益於庸也聖讀而庸

行盡去諸

秘曰聖道不益於庸愚之人讀其書而庸其行何不去之○光曰去邱莒切言俗儒雖讀

聖人之書而所行無以異於庸人盡去此俗儒乎

曰甚矣子之不達也聖讀而

庸行猶有聞焉去之阮也

咸曰言讀之尚有聞聖人之道者去之則雖無所行復無

所聞矣阮猶陷也言聖人之道陷矣○光曰字本阮作抗五官切今從宋吳本言俗儒雖不能行聖人之道猶

得聞其道而傳諸人愈於亡也若惡其阮秦者非斯乎無實而遂去之則與秦之阮儒何異哉阮秦者非斯乎

投諸火

斯李斯○咸曰陷聖人之道於秦者李斯也非惟陷之復投於火以滅之也此猶仲尼不去其

羊以存告朔之禮○祕曰阮秦使不有王道者非李斯乎以書籍投諸火○先曰斯此也言諸儒之所以見阮於秦者亦以聖讀厲行好橫議以非世故秦人深疾之并其書焚之若使秦之法逆行於世則聖人之道絕矣

或問人何尚曰尚智

祕曰仁義禮信非智不行易曰智崇禮卑

曰多以智殺

身者何其尚曰昔臯陶以其智為帝謨殺身者遠矣

咸曰

謨謀也臯陶為士與帝舜謀其治道何殺身之有○先曰陶音遙

箕子以其智為武王

陳洪範殺身者遠矣

咸曰洪大也範法也周武王既殺紂以箕子歸作洪範言天地之大

法後封於朝鮮何殺身之有○先曰飾智為邪貪利徇名則殺身用智明道時然後言何害之有

仲尼

聖人也或劣諸子貢

祕曰叔孫武叔陳子禽皆有是言

子貢辭而精之

然後廓如也

精明○咸曰論語云叔孫武叔語大夫於朝曰子貢賢於仲尼子服景伯以告子貢

子貢曰譬之宮牆賜之牆也及肩窺見室家之好夫子之牆數仞不得其門而入陳子禽謂子貢曰子為恭也

仲尼豈賢於子乎子貢曰君子一言以為知一言以為不知言不可不慎也夫子之不可及猶天之不可階而

升也此所以廓如

於戲

光曰宋吳本作烏呼今從李觀書者違本於音烏戲火吳許宜二切

子貢雖多亦何以為慎哉

咸曰言無慎於子貢之明師道也○尤曰李本慎作盛屬

下章今從宋吳本違子貢謂若老莊之徒不知聖人之道難知而不可及遂從而非之此觀書者所宜慎也

成湯丕承也文王淵懿也或問丕承曰由小致大不亦

丕乎

咸曰由七十里王天下○秘曰由小國革夏以天而成王業孟子曰湯以七十里丕大也

不亦承乎

咸曰順天應人○祕曰革夏命以順乎天書曰天命殛之承奉也

淵懿

祕曰問文

王曰重易六爻不亦淵乎

咸曰淵深也夫易極深研幾

浸以光大不

亦懿乎

咸曰浸漸也懿美也言三分天下有其二漸也決虞芮訟至武王卒成大勲光大也

或問

命

祕曰世稱脩短之命

曰命者天之命也非人為也

祕曰天命壽夭非人所為

人為不為命

咸曰夫可為者非謂之命

請問人為

咸曰問何以謂之人為

曰可

以存亡可以死生非命也

是人為也○咸曰因善而生存因惡而死亡暴虎憑河之

類非命也人為之○祕曰育之則存棄之則亡殘之則死釋之則生豈命也哉

命不可避也

祕曰

天之降年有永有不永不可避也世以祈禳之術修煉之要徵望延永蓋溺於貪生者為之也○光曰人事可

以生存而自取也。或曰：顏氏之子冉氏之孫，祕曰：顏回冉

也。語曰：冉伯牛有疾。○光曰：言顏淵冉伯牛曰：以其無

非不知修人事而顏淵早夭，伯牛惡疾何也？
避也。咸曰：言顏淵冉牛皆早亡者，非其為之。**若立巖牆**

之下，動而徵病行而招死命乎？命乎？自詒伊感。○咸曰：言若立夫巖牆之

下以徵病招死，此自為之。宜所謂命乎？故禮不登高，不

臨深者也。○祕曰：處乎危，險動為病之徵，行為死之招。

宜曰：命乎？孟子曰：知命者不立乎巖牆之下。○光曰：巖牆，欲崩之牆也。**吉人凶其吉**祕曰：

吉人以吉為凶，故能常吉。誠慎之至也。○光曰：楚莊王

以無災為懼，曰：天宜棄忘寡人乎？是得吉猶以為凶也。

凶人吉其凶。祕曰：凶人以凶為吉，故至大凶不懲不勸

之至也。○光曰：紂淫虐將亡，災異並臻而

曰我生不有命在天是廢人事而任天命得凶而以為吉也

辰乎辰

數時逝也○咸曰日月所會謂

之曷來之遲去之速也

秘曰言時之難會也郭璞云辰亦時也

君子競諸

進德修業欲及時也○秘曰君

諤言敗俗

光曰李宋吳本諤皆作諤

女耕切字書諤諤小聲也○咸曰諤邪也音義曰天復

本作諤音于妄言也今從之光謂妄言者不知而作惑

亂後生故敗俗也

諤好敗則

光曰妄好非聖之法書敗先王之法

姑息敗德

秘曰諤言

小言也小言之敗風俗小好之敗法則苟安之敗德本傳曰雖小辯終破大道管子曰凡民之從上也不從口

之所言從情之所好者檀弓曰細人之愛人也以姑息姑息苟容取安也○光曰姑且息休也宴安鴟毒故敗

德君子謹於言

秘曰非

慎於好

秘曰上好之

亟於時

秘曰

亟急也不可苟安易曰君子進德修業欲及時也○光曰亟紀力切吾不見震風之能動

聾聵也

雷風非不烈不能動聾聵聖教非不服不能化頑嚚○祕曰帝堯在上不能化四凶○光曰聵

五怪反言妄怠之人天所不能福

或問君子在治曰若鳳在亂曰若鳳

或人不諭曰未之思矣曰治則見亂則隱

隨時之義美之大者治見

亂隱鳳之德也○光曰見賢適切舊鴻飛冥冥弋人何本未之思矣曰治則見光謂曰衍字

篡焉

君子潛神重玄之域世網不能制禦之○祕曰樂聖高邁小人安能制之○光曰故書篡作恭音義

曰後漢書逸民傳序引揚子作弋者何篡宋衷註云篡取也鴻高飛冥冥雖弋人執繒繳何所施巧而取焉今

篡或為篡誤也鷦明遊集食其潔者矣

遊集者類聚羣遊得其所也鷦

明非竹實之深不食君子非道德之祿不居○咸曰遠行難也猶憚也明當為鵲鵲鵲南方神鳥似鳳也言鵲

明中而去憚集於世蓋其食潔而然也此因上文稱鳳之在亂則隱故舉鴻冥鵲潔以為之擬爾夫鳳非竹

實不食非梧桐不棲註以鵲明非竹實不食又以遠集為類聚羣遊皆非矣夫鵲明為神禽當冲天遠去故下

篇亦云鵲明冲天不在六翮乎此之謂也類聚羣遊而集者常鳥爾安可謂食其潔哉○祕曰鵲明似鳳南方

神雀難於翔集蓋非潔不食者也君子非其道不食其祿遠行難也○光曰鵲音焦遠良刃切音義曰說文曰

東方發明南方鵲明西方鵲鵲北方幽昌中央鳳凰又司馬相如傳云鵲鵲已翔乎寥廓之宇又樂緯曰鵲鵲

狀如鳳凰光謂說文朋及鵲皆古文鳳字也鳳鳥踞鳥象形鳳飛羣鳥從以萬數故以為朋黨字鳳鳥踞

踞匪堯之庭

踞踞者步趾之威儀也言其降步于堯之庭非堯之庭則不降步也○祕曰治則見

非堯之庭乎○

亨龍潛升其貞利乎

貞正也利者義之和美龍潛升得正

之和○光曰言龍之所以能亨者豈非以其有正利之德乎

或曰龍何可以貞利而

亨曰時未可而潛不亦貞乎

得潛之正

可而升不亦利乎

得義

之潛升在已用之以時不亦亨乎

行止不失其所得嘉之會○秘曰隱以正

升以義用以時龍德之通也

或問活身

咸曰問何以安生其身

曰明哲

秘曰明哲以保

其身或曰童蒙則活何乃明哲乎

咸曰言童蒙無知者亦能活何必明而哲○光

曰言愚者乃所以全生若莊周論標社支離疏

曰君子所貴亦越用明保慎其

身也

秘曰君子所以貴而異於童蒙者如庸行翳路衝亦曰用明哲保慎其身也越曰也

衝而活君子不貴也

咸曰庸愚也翳塞路多而活者此所謂因

之生也幸而免君子不貴之○祕曰翳路言多也

楚兩龔之絜其清矣乎

楚人龔君

賓龔長倩○祕曰龔勝龔舍皆楚人也並著名節世謂之楚兩龔漢哀帝時俱為諫議大夫老馬不復仕莽以

太子師友祭酒迎勝不食而卒言其絜中清矣

蜀莊沉冥

祕曰莊遵字君平蜀人也晦迹不仕故曰

沉冥○光曰三輔決錄曰君平名遵光謂沉冥言道德深厚人不能測

蜀莊之才之珍也

不作苟見不治苟得

所謂沉冥也○光曰見賢過切養諸內而晦諸外不苟徇名而求利

久幽而不改其操雖隋和何以加諸

祕曰隱肆成都久幽也雖隋侯之珠

和氏之璧宜舉茲以旃不亦寶乎

咸曰旃之也言舉此諸德以議之莊亦寶

也何隋
和之有
吾珍莊也

居難為也
人所不能非難如何○咸曰言居莊之道為難也○

秘曰莊通歷數以才自居他人之所難○光曰吾所以重莊以其居身之道人難能也

不慕由即

夷矣何冕欲之有

許由伯夷無欲之至既不可害亦不可利○咸曰言莊君平非慕許由即

慕伯夷爾何利欲之能動○光曰宋吳本冕作利今從李本冕士街切貪也

或問堯將讓天

下於許由由恥有諸

秘曰莊周列禦寇之徒皆有是言未知信否

曰好大者

為之也

秘曰好大言者為此無其實

顧由無求於世而已矣

秘曰由隱者也

無所求於世允哲堯偃舜之重則不輕於由矣

咸曰孟子曰天

子不能以天下與人然則舜有天下者天與也堯崩三年之喪畢舜避堯之子於南河之南天下諸侯朝覲者

不之堯之子而之舜訟獄者不之堯之子而之舜謳歌者不謳歌堯之子而謳歌舜由此言之堯宜先讓由而後舜哉故揚子謂堯以允哲之道禪舜舜輕之於許由也○祕曰詢事考言三載乃命陟位是堯禪舜之重也○光曰堯與禪同輝戰切光謂信以堯禪舜之重為智則必不輕授天下於由矣

好大累克巢

父灑耳不亦宜乎

累積也克勝也積大言以相勝○祕曰累刻猶累日也好大言而累日滋

久以至相傳稱巢父洗耳莫辨其偽不亦宜乎逸士傳曰堯讓天下於許由由逃之巢父聞而洗耳於河濱○光曰宋英本堯作刻灑作洗今從李本灑音洗

靈場之威宜夜矣乎

靈場鬼神靈壇

所以為威可莫夜不可經白日○祕曰靈壇鬼神之神威施於莫夜則見悚虛誕累久之說施於庸常則見信靈場猶靈壇也○光曰妄言

朱鳥翔歸其肆矣

朱鳥燕別名也

肆海肆也○咸曰周禮玄鳥氏司分蓋燕也玄黑也周禮以黑鳥為燕此註以朱鳥為燕非謂矣朱鳥隨陽之鳥謂鴈也鴈以時來時往何獨燕哉肆非獨海蓋其南北所止之區肆○祕曰朱鳥鴈也翔翔飛貌肆其所止集之肆非歸其肆傷時之言也南方朱鳥羽蟲之長大戴禮云羽蟲三百六十鳳為之長是也○光曰翔許緣切音義曰朱鳥或曰奚取於朱鳥哉曰往來以時不累其身放肆自遂

時來則來時往則往

取其春來秋往隨時宜也○祕曰時之治可來則來時之亂可往則

往能來能往者朱鳥之謂歟

不愆寒暑之宜能審去就之分○咸曰夫人知進而

不知退知存而不知亡豈朱鳥之若哉○祕曰君子在治在亂若鳳

或問韓非作說難之

書而卒死乎說難敢問何反也

韓非作書說難是也而西入關干秦王伏劍死

雲陽故曰何反○咸曰韓非時作孤憤五蠹說難之書
十餘萬言人或傳其書於秦秦王見之曰寡人得見此
人與之遊死不恨矣秦因急攻韓韓王始遣非使秦秦
王方欲任用之而為李斯姚賈毀害之秦王以為然下
吏治非李斯遺非藥自殺註謂入關干秦王伏劍死未
知其據也○秘曰韓非韓之諸公子也作說難之篇本
以知說之難而免於咎耳而竟下吏死於秦卒如其言
何相反耶司馬遷曰余獨悲韓子為說難而不能自脫
耳○光曰

曰說難蓋其所以死乎

咸曰言非徒知說難而不能行說難故所

以死也○光曰宋吳本無其字今從李本
探人心而求合則無所不至適足取死

曰何也曰君

子以禮動以義止合則進否則退確乎不憂其不合也

咸曰猶孔孟方枘圓鑿宜所以憂不合哉○秘曰用夫
之行而舍之藏何憂之有○光曰確乎守正不移貌

說人而憂其不合則亦無所不至矣

祕曰夫不以禮義而惟以談說伺主

之顏色憂其不合則邪佞

或曰說之不合非憂邪

咸曰言韓

非憂說不合為非乎

○祕曰或曰非謂韓非○光曰宋吳本作非憂說之不合非邪今從李本邪余遮切曰

說不由道憂也

咸曰言說人不以聖人之道此君子之所憂

由道而不合非

憂也

譏本自挾說憤以說秦○咸曰言說人以道而不合則猶仲尼去魯孟軻舍梁何憂之有韓非則不

然故所以卒死於說難也○祕曰說以道而不見用繫乎時君已則何憂

或問哲曰旁明厥

思

咸曰旁廣厥凡也言凡所思慮廣能明悟而歸諸正者之謂哲○祕曰所思皆明也五行傳曰明作哲○

光曰欲知聖人問行曰旁通厥德

動情不能得由一塗由一塗不可以應萬

變應萬變而不失其正者惟旁通乎○咸曰言凡所立德廣能通達而貫諸道者之謂行○祕曰旁通其德而

行之曰行易曰君子以成德為行日可見之行也○光曰欲行聖人之道宜廣其德

寡見篇

咸曰聖人之道嘉善而矜不能故明哲極矣宜矜乎未至者所以寡見之誨次之問明

假言周于天地

邈遠周徧○光曰李宋吳本假作邈今從漢書光謂假當作徧假

贊于

神明

咸曰五經之旨

幽弘横度絕于邇言

咸曰言幽深弘大之間縱横量度之制皆

絕去近言始得諸正○祕曰贊于神明以通其幽周于天地以範其弘縱横制度絕去邇言○光曰横者言其

廣度猶度絕言其高絕誤寡見祕曰述聖人邈遠之言于近言言去之邈邈也

疾世人蔽於近小而遺其遠大

吾寡見人之好假者也。邇文之視邇言之聽假則佞焉。

祕曰：邇一本作假古字也。我寡見人之好遠者，惟邇文則視邇言則聽。至於論邇遠之道，則背焉。所謂舛馳者，

也。佞背也。離騷曰：佞規矩而改錯。○光曰：佞，通箭，彌充二切。

或曰：曷若茲之甚也？先

王之道滿門。

言此談過也。學先王之道者，所在滿於師門耳。○

為曰：不得已也得已則已矣。

祕曰：時有策試，邇補故學，者不獲已也。如得已則各

至其所至矣。所至邇文通言。○光曰：宋吳本作得已則至矣。今從李本。

得已而不已者寡。

哉。

夫以策試而後學者為官也，得不策試而好學者為已也。為己之學也，內為官之學也，外外之與內由南

之與北相去甚遠，是以慨其少也。○祕曰：不為補試而不已於聖人之道者寡哉。好盡其心於

聖人之道者君子也人亦有好盡其心矣未必聖人之

道也

咸曰盡心於異端揚子所疾也○
祕曰不入于韓莊則入于楊墨

多聞見而識乎

正道者至識也

祕曰一多聞見而識乎邪道者迷識也

君子多聞見而心愈真也小人多聞見而情愈偽也○
祕曰學非而博

如賢人謀之美也

詘人而從道

咸曰美善也猶仲尼夾谷之會屈齊侯去
裔夷之樂從盟好之會○
光曰詘與屈同

如往也往就賢人謀之則

如小人謀之不美也詘道以

從人

咸曰猶商鞅屈帝王之道從秦孝公
以強國之術○
祕曰謀為國君謀也

或問五經有

辯乎曰惟五經為辯說天者莫辯乎易

惟變所適應四
時之宜○
祕曰

天有五行政事十說事者莫辯乎書

尚書可論政事○

數三才備乎易說體者莫辯乎禮

咸曰事之體也○

王之業政事說體者莫辯乎禮

經三百儀三千各正其

體者備乎禮○

說志者莫辯乎詩

詩在心為志發言為

義發揚其志

說理者莫辯乎春秋

屬辭比事之義○

立不失其理者備乎春秋

捨斯辯亦小矣

咸曰捨五經

○先曰明事理之是非

春木之芑兮援我手之鵲兮

春木芑

作辭今從李本

春木之芑兮援我手之鵲兮

春木芑

譬若孔氏啓導人心有似援手而進○咸曰芑猶盛也

鵲猶美也○秘曰天氣之春使羣木芑然而盛孔子之

道使羣士翕然而興援我手相與遊處之鵲乎而安之

鵲猶言淳也莊子曰聖人鵲居而穀食尸子曰堯鵲居

○光曰李本芑作芒今從去之五百歲其人若存兮咸曰

宋吳本芑徒渾切援音爰言去仲尼雖遠而其人在○秘曰去孔子已五百年

服行其道常如存在按孔子以魯哀十六年卒至漢甘露元年子雲始生凡四百二十八歲後天鳳五年子雲卒去孔子凡四百九十八歲言五百歲者舉其成數

或曰諂諂者天下皆訟也奚其存秘曰今之學者諂諂然爭訟其道之是非

也何謂若存諂諂爭聲也○光曰李本訟作說今從宋吳本諂女交切曰曼是為也天下

之亡聖也久矣其義雖存言天下無復能尊用聖道者久矣○咸曰曼猶不也亡猶去也久猶

遠也○秘曰曼無也今之學聖人遠然其道尚存安能亂哉○秘曰曼無也今之學

者無如是為之也以其去聖逾遠而不能自悞故也○光曰音義曰曼莫半切曼是為者言無能求其是者而

從之天下之無聖人已久矣
故衆說無所折衷相與爭訟
哖哖之子各識其親

秘曰無他

知○光曰
詭詭之學各習其師

秘曰但其師而已非師則爭班因曰安其所

習毀所不見終以自精而精之是在其中矣

咸曰赤子雖識親因

蔽此學者之大患也
其愛而不知禮之序末學雖習師溺其說而不明道之

正然苟能精而益精之則聖與雜其道當各辨於其中

矣若秦儀荀孟皎然自殊○秘曰精是者是精之精非

者非精之各在其中矣○光曰宋吳本是作各今從李

本聖人之道布在方策賢者得其大不賢者得其小各

得其一端而不能粹美若有人精心以求其是不離其

中或曰良玉不彫美言不文何謂也曰玉不彫璵璠不

作器

秘曰璵璠寶玉也器圭璧書曰如五器卒乃復周禮曰玉作六器以禮天地四方○光曰璵以諸切

瑤符
袁切

言不文典謨不作經

秘曰言之有文如天之有象
易曰觀乎天文以察時變觀

乎人文以化成天下仲尼祖述堯舜之文其典謨所以
作經○先曰言文之不可以已虎豹之鞶猶犬羊之鞶

或問司馬子長有言曰五經不如老子之約也當年不

能極其變終身不能究其業

秘曰司馬遷以儒者以六
藝為法六藝經傳以千萬

數累世不能明其學當年不能究其禮故曰博而寡要
勞而少功言道家以旨約而易操事小而功多是謂不
如老子之約也班固曰論大道則
先黃老而後六經此其所蔽也曰若是則周公惑孔

子賊

秘曰果如是言則
周孔非惑則賊矣

古者之學耕且養三年通一經

無訓解故○先曰李本
無經字今從宋吳本

今之學也非獨為之華藻也又

從而繡其鞶悅惡在老不老也

鞶大帶也悅佩巾也衣有華藻文繡書有經傳

訓解也文繡之衣服分明易察訓解之書灼然易曉○祕曰鞶大帶也悅佩巾也所以備物而為飾也言古之學者存其大體所以易也今之學者有經傳章句如華藻繡鞶悅其文彌繁所以難也安在老易而不老難哉班固曰古之學者耕且養三年而通一藝存其大體玩經文而已是故用日少而畜德多三十而五經立也後世經傳既已乖離博學者又不思多聞闕疑之義而務碎義逃難便辭巧說破壞形體說五字之文至於二三萬言桓譚新論云秦近君能記堯典篇目兩字之說至十萬言但說曰若稽古三萬言○光曰鞶音盤悅音覩惡音烏鞶悅已是外飾又從而繡之言章句華多實少

或曰學者之說可約耶

疾

說學繁多故欲約省之也

曰可約解科

言自可令約省爾但當使得其義旨不失其科條○祕曰

可以約解科之章句今
不繁○光曰解科闕

或曰君子聽聲乎曰君子惟正

之聽

亦聽爾但不邪

荒乎淫佛乎正沉而樂者君子弗聽也

遠佛

也沉溺也學記曰其求之也佛子夏曰今
君之所好者其溺音乎○光曰樂音洛

或問侍君子

以博乎

祕曰博奕

曰侍坐則聽言有酒則觀禮焉事博乎

咸曰

言君子坐則有正言飲則有正禮侍之者得
聽而觀焉何事於博奕○光曰馬於虔切

或曰不有

博奕者乎

咸曰謂君子言禮之外豈無博奕之事乎○祕曰據論語有之

曰為之猶賢

於已爾

今之所論自謂侍君子也○咸曰此文本連下句意未終不當於此註之兼註語大與正文不

類頗失揚旨弗敢
削去解之於下

侍君子者賢於已乎

咸曰賢猶勝也言為博奕者但

勝於無所用心而已爾夫侍君子亦止勝於無所用心而已乎言不然也○祕曰孔子曰飽食終日無所用心難矣哉不有博奕者乎為之猶賢乎已蓋為庸常不學之人以小道諭之耳今侍君子宜賢乎已於博奕者哉

○光曰已者

君子不可得而侍也

人師難逢也

侍君子晦斯

光室斯通

祕曰室塞

亡斯有辱斯榮敗斯成如之何賢於已

也

咸曰言但患君子不可得而侍如得侍之有此諸益豈持勝於無所用心而已哉○光曰宋吳本有作存

今從李本鮫明冲天不在六翮乎

咸曰鮫明解見問明篇○光曰

明亦富拔而傳尸鳩其累矣夫

拔鮫明之翼以傳尸鳩不能冲天適足以累耳

喻授小人以大位而不能成大功也又言學小說不能成大儒○祕曰尸鳩鵠也言以聖人之道使小人行

之適足增其累耳○尤曰累鄰墜切小人儒
竊聖人之道以自售適足以為其身之累耳
雷震乎天

風薄乎山雲徂乎方雨流乎淵其事矣乎

言此皆天之事矣人不得

無事也天事雷風雲雨人事詩書禮樂也○秘曰此皆天之行事者乎自然之理也道家流以無為無事為自然不知有為有事亦自然也徂往也方四方也○光曰天猶不能無事況在於人安得飽食終日無所用心

魏武侯與吳起浮於西河寶河山之固起曰在德不在

固曰美哉言乎使起之兵每如斯則太公何以加諸

秘曰

史記魏武侯曰美哉山河之固此乃魏之寶也吳起曰在德不在險昔三苗氏左洞庭右彭蠡德義不修為滅之夏桀之居左河濟右太華伊闕在其南羊腸在其北修政不仁湯故之殷紂之國左孟門右太行常山在其

北大河經其南修政不德武王殺之由此觀之在德不
在險武侯曰善固險固也美哉是言使起兵法常以德
為上則太公呂望何以加之○元曰李本作使起之用
兵今從宋吳本惜起之用兵多尚狙詐不能充其言也

或問周寶九鼎寶乎

秘曰即禹貢金九牧所鑄之
鼎成王定於郊廓故為周寶曰器

寶也器寶待人而後寶

道存則器不亡道亡則器不存
秘曰人君有德則鼎器為寶

○元曰人能以休明之德取之則信可寶矣
苟以姦回強暴而取之雖得九鼎奚足寶哉齊桓晉文

已下至於秦兼其無觀已

咸曰孟子云仲尼之徒無道
桓文之事者故此言其與秦

皆無所可觀也○秘曰二霸而後至于秦兼六國而有
天下無所觀焉已辭也○元曰言皆尚詐力不以其道
而得之雖強也或曰秦無觀奚其兼咸曰言秦無以可觀
則何以能兼有天下

曰所謂觀觀德也

咸曰言所謂可觀者觀其德爾秦何德之有

如觀兵開闢

以來未有秦也

秦以兵兼而不以德莽以詐篡而不可道言秦兵之無可觀則莽之篡不言可

知○咸曰此正文之意似止論秦兵之由而注兼王莽亦猶蛇足矣且云莽以詐篡不以道夫豈有以道篡人

哉甚非謂馬○祕曰賈誼曰秦有餘力而制其弊追亡逐北伏尸百萬流血漂槽兵之盛也○光曰自古未有

能以兵力獨兼天下如秦者

或問魯用儒而削何也

揚子貴儒學而賤兵強魯國常

為齊楚所侵故譏問之○祕曰削土國弱也○光曰儒必言益人之國何魯多儒而日削弱

曰魯不

用儒也昔在姬公用於周而四海皇皇莫枕于京

皇皇歸美

安枕而卧以聽于京師○祕曰皇皇美也莫定也定枕猶言安枕也四海皇皇美盛安枕無虞歸仰于京師○

先曰四海既平則王者安枕于京師孔子用於魯齊人章章歸其侵疆

秘曰

章章宜為憚憚蓋古通用也憚憚懼也魯定公十年與齊景公為夾谷之會孔子攝相事景公懼遂歸所侵魯

郭謙龜魯不用真儒故也秘曰齊人歸女樂季桓子使陰之田定公受之三日不朝孔子行

言不聽用如用真儒無敵於天下安得削萬物將自賓

使魯安行王道而諸侯強者浩浩之海濟樓航之力也

濟渡也言渡大海在舟船興大治航人無楫如航何秘曰

在禮樂○先曰濟謂所以得濟航人無楫如航何秘曰

濟巨航者大海也如無楫柁之利以翼之其如航何猶富大國者衆民也如無禮樂之具以治之其如國何○

先曰海以喻艱難航以喻國航人以喻儒揖以喻勢位

或曰奔壘之車沉流之航

可乎

言治國及修身者如車奔舟覆故欲救之○祕曰車之奔敗航之沉溺○光曰奔壘謂馬驚逸抵敵

壘者可謂

曰否

咸曰言用奔沉之車航則不可○祕曰不可也

或曰馬用智

夫

者貴能解患救難也今有患難不能解救故曰馬用智

曰用智於未奔沉

言奔沉吾猶人

也○也使無奔沉○祕曰智者用於未然之前○光曰制治於未亂保邦於未危

大寒而後索

衣裘不亦晚乎

御災在於未發思患在乎預防○光曰言不足以為智

乘國者其

如乘航乎航安則人斯安矣

航傾則人危法亂則國亡○祕曰航安則其流安矣

國安則其人安矣

惠以厚下民忘其死

咸曰言君以思惠厚養其下則民忘其死以報

之忠以衛上君念其賞

咸曰言臣以忠勞衛翼其上則君思行其賞以及之○祕曰言

速報之效也

自後者人先之自下者人高之

欲上必以其言下之欲先必以

其身後之處上而民不重在前而民不害

誠哉是言也

秘曰諫之尊也○光曰言志不在於取而

自得之乃可貴也

或曰弘羊摧利而國用足盍摧諸

秘曰漢武以桑弘羊

領大農盡管天下鹽鐵盡籠天下貨物而均輸平准之一歲之中帑五百萬匹人不益賦而天下用饒故曰國

足

用曰譬諸父子為人父而摧其子縱利如子何

有若識十二之

稅揚子貶推利之例○秘曰子足父孰與不足

卜式之云不亦匡乎

秘曰匡正也時大旱

卜式曰獨請烹弘羊天乃大雨式之所云不亦大正之乎

或曰因秦之法清而行之

亦可以致平乎曰譬諸琴瑟鄭衛調俾夔因之亦不可

以致蕭韶矣

秘曰秦毀滅禮義專任刑法譬如琴瑟作鄭衛之調而使夔因以鼓之不能致正聲

矣言慘酷之法不可以致和平也韶舜樂也晁錯曰秦法令煩慘刑罰暴酷變曰蕭韶九成鳳皇來儀○先曰

調徒弔切言必應更張

或問處秦之世抱周之書益乎

咸曰李斯上言請史

官非秦記皆燒之所不去者醫藥卜筮種樹之書故時獨得存其周易而已此抱周書者蓋易也言人有居秦

之世獨抱周之易可益乎○秘曰周之書若周禮周樂周書周頌周易春秋之類傳曰韓宣子適魯見易象與

春秋曰周禮盡在魯矣

曰舉世寒貂狐不亦燠乎

貂狐之裘於體溫燠○咸曰言

貂狐一裘於體雖燠不能救天下之寒周易一經於時雖存不能勝天下之暴○秘曰舉世方寒服貂裘裘

之衣亦可以禦寒而迴燠猶秦世之酷抱禮義之教亦可以漸迴正治○先曰天下無道而獨得先王之術可

治以自或曰炎之以火沃之以湯燠亦燠矣

言秦燒詩書坑儒士於湯

火之中但苦太熱耳此謂或人戲嘲揚子辭○祕曰何必粘狐之為燠若用湯火亦燠矣猶言何必周書之為

治若用刑法亦可治矣○光曰言用秦之法以治秦之民亦孰敢不從

曰燠哉燠哉時亦

有寒者矣

歎其秦之無道也時亦有寒者謂四皓隱居尸子避地斯皆清涼其身不燠秦之湯火○

祕曰歎湯火之燠非所謂燠也天時自有大寒矣○非光曰言雖不得已一時暫從而中心不服終致乖亂

其時而望之非其道而行之亦不可以至矣

天由其時人由其道

非時之夏望之不可見非道之正行之不可至○祕曰非其夏時而以湯火望其燠非其正道而以刑法行之使至治不可以至矣言秦法一時之利非素治也○光曰用秦之法以求治猶冬而望生春而望獲之燕而南

適楚而北
終不能致

秦之有司負秦之法度

○秦法酷矣吏又毒之
○秘曰秦之法度本

以刑罰決斷為本而秦之有司乃以慘酷為能是負其
法度矣刑法志曰秦專任刑罰躬操文墨畫斷獄夜理
書自程決事日縣石之一○光曰秦法雖酷
亦志在於求治而有司又為文巧以亂之
秦之法度

負聖人之法度

秘曰聖人以禮義
為法度是負之矣

秦弘違天地之道而

天地違秦亦弘矣

威曰言天地以生育為本秦以殺戮
為本是違天地亦大矣秦欲以萬世

君之天地止以二世滅之是違秦亦大矣○秘曰天地
生五行之性而仁義禮智信備矣秦毀滅之專任刑法
是大違天地也秦自以為關中之固金城千里子孫帝
王萬世之業也止二世而亡是天地違秦亦大矣刑法
志曰秦始皇兼吞戰國遂
毀先王之法滅禮誼之官

揚子法言卷五

謹案卷三第四頁後五行嘗試稽之家語刊本稽
字訛置語字下今改正

第五頁前二行豈以設法之言設疑翫字之譌

第七頁前七行益謂增益之刊本增訛尊今改

第十頁後六行則反間背叛刊本間訛聞今改

卷四第一頁後七行問何以潛心于聖人之道刊

本何訛可今改

第三頁前三行言習見而狎玩之刊本言訛曰今

改

第四頁後六行謂至然也句疑有脫誤

第八頁前六行言聖人肯為范蔡之術乎刊本肯訛背今改

第八頁前八行為剛成君刊本剛訛網據國策改
第九頁後八行如三鄒田尸吁劇申韓之徒刊本
尸訛戶據史記孟荀列傳改

第十三頁前二行莊周矯浮躁以返真靜刊本躁

訛燥今改

卷五第九頁前七行可莫夜不可經白日刊本莫訛宜今改

第十三頁後八行玉作六器刊本玉訛下今改

第十四頁後六行桓譚新論云秦近君按書正義及各書多作秦延君考許慎說文解字叙有講學大夫秦近譚所云秦近君疑即指此

第十七頁前四行流血漂櫓刊本漂訛標今改

第十七頁後三行季桓子使定公受之刊本桓訛

栢今改





總校官庶吉士臣侍朝

校對官學正臣劉景岳

謄錄監生臣沈毓鳳

欽定四庫全書薈要

子部

揚子卷

六

七

詳校官員外郎臣潘紹觀



揚子法言卷六

晉李軌 唐柳宗元 注

宋宋咸吳祕司馬光 重添注

五言篇

咸曰矜其未至而誘之自非聖人則孰能與於世故五百之義次之寡見

聖人聰明淵懿繼天測靈

咸曰靈萬靈也言天有泰否聖人有出沒皆不常然故聖人

之出沒繼天道之否泰所以測濟萬靈者也○祕曰神靈

冠乎羣倫經諸範

範模○咸曰倫

品也範猶制度也言聖人之生冠于羣品經緯以制度而為天下利○祕曰至聖之著存乎軌範○光曰聖人

以聰明深美之德繼成上天之功測知神靈謨五百曰祕

之理首出羣類立之法度以為萬世之常道

麟鳳不常出聖人不常生或如三辰之並照或如一天之獨久能存其道則堦與可量哉○光曰明聖人之道

或問五百歲而聖人出有諸曰孟軻史遷皆有此言○祕

出天道曰堯舜禹君臣也而並光曰文武周公父子也

而處光曰湯孔子數百歲而生光曰湯上距禹下距文

百歲因往以推來雖千一不可知也千歲一人一歲千人

舜禹三聖相並後數百年始生湯文武周公三聖同處

後數百年始生孔子先則比年而三聖後則遠年而一

聖因往以推來雖千一聖亦未可知也夏后氏有國

四百三十二歲而湯興周有國五百七十二歲而孔子

生聖人有以擬天地而參諸身乎

稟天地精靈合德齊明是以首擬天腹擬

地四股合四時五臟合五行動如風雷言成文章也○咸曰夫天地之道或泰而通或否而塞泰則萬物阜否

則萬化闢弗一而常也夫聖人之道或生而出或亡而絕出則萬物遂絕則萬化滅亦弗一而常也是故天地

不常泰亦不常否聖人不常出亦不常絕揚子因上論聖人之生有以合天地之化遂為之言爾注以別為一

義且云首擬天腹擬地以形體解之甚失揚旨矣夫人之有血氣形體首圓象天足方象地至于股肱各有所

法雖庸愚者皆然宜獨聖人哉學者宜辨之○秘曰聖人有以擬法天地而參乎言行也管子曰聖人若天然

無私覆也若地然無私載也禮曰譬如天地之無不持載無不覆憐皆言聖人之道也○光曰言德與天地參

者則為聖人無或問聖人有誦乎

咸曰問有所誦身之事○光曰誦與屈同

曰有曰焉詘乎

咸曰焉安也言安所詘

曰仲尼於南子所不欲見

也

祕曰南子衛靈公夫人也孔子本不欲見也

於陽虎所不欲敬也

祕曰陽虎陽貨

為季氏家臣專魯之政孔子本不欲敬也

見所不見敬所不敬不詘如何

曰祕

孔子見其本不欲見者欲使靈公行治道也敬其本不欲敬者如有用我者吾其為東周乎是欲詘身以行道

語曰子見南子又曰時其亡也而往拜之

或曰衛靈公問陳則何以不詘

曰祕

不詘謂不順從靈公而對以俎豆之事○先曰陳直刃切

曰詘身將以信道也如詘

道而信身雖天下不可為也

仲尼之敬陽虎揚子之臣王莽所詘形也於神何時

撓哉諸如此例學者宜識其旨○咸曰信讀如屈仲之伸言見南子陽虎是身也雖詘之可矣於道何損對靈

公是道也將誅之可乎雖得天下不當為矣故孔子曰
君子之行己可以誅則誅可以伸則伸揚子之於事莽
亦斯之謂乎○光曰信與伸同雖利
之以天下猶不可為誅道伸身之事聖人重其道而輕

其祿衆人輕其道而重其祿聖人曰於道行歟衆人曰

於祿殖歟

聖人以行道為務凡人以祿殖為先○光曰殖豐多也

昔者齊魯有大

臣史失其名

以道事君不可則止為大臣也史失其名者不書其名也

曰如何其大

也曰叔孫通欲制君臣之儀徵先生於齊魯所不能致

者二人

高帝時叔孫通為奉常欲制君臣之禮乘亂之餘權時之制不合聖典雖盡其美未盡其善故

不能致之○祕曰叔孫通為漢高起朝儀召魯諸生三十餘人魯有兩生不肯行曰又欲起禮樂禮樂所由起

積德百年而後可興也吾不忍為公所為不合古吾不行公往矣毋汙我通笑曰若真鄙儒也不知時變遠固二史皆曰魯有兩生而揚謂齊魯宜曰若是則仲尼之其接近而言哉○光曰先生謂宿儒

開跡諸侯也非邪

咸曰開謂開布其跡於諸侯之國○祕曰若以二生為是則仲尼欲行教

於諸侯非歟開開說其君臣之義跡跡迷其禮儀之制○光曰或難揚子以齊魯二生知道不行而不起為是則仲尼之歷曰仲尼開跡將以自用也欲行其道制素

聘為非邪

曰仲尼開跡將以自用也

法也○祕曰欲

行己之道合如委已而從人雖有規矩準繩焉得而用於聖人之法

之咸曰規矩準繩猶制度也言委已而從人則雖有制度不得專而用之故二人所以不至也如孔子則不

然○祕曰通制漢儀得隨時之義而揚獨許此二生者蓋善其惡叔孫之面諛而雜用秦儀且欲自明揚之志

不隨莽改作也。○光曰：二生所守三王之禮而叔孫通阿諛希世，雖用秦儀，若起則當委已而從之，安得自用也？

其道或問孔子之時，諸侯有知其聖者歟？曰：知之曰知

之，則曷為不用？曰：不能曰知，聖而不能用，也可得聞乎？

曰：用之則宜從之。

秘曰：用其人當從其道。

從之則棄其所習。

光曰：習謂

故常安，逆其所順。

光曰：順謂情志所欲。

彊其所劣。

光曰：彊其亮切，劣謂彼所難能。

捐

其所能。

咸曰：夫子所順者道，彼所順者非道，故當逆之。夫子

所劣者非彼所劣者，是故當彊之。夫子所能者德，彼所

能者不德，故當捐之。○秘曰：既從聖人之道，則諸侯習

其異聞者棄之，順非而澤者逆之，劣於仁義者彊之，以

攻戰聚歛為能者捐之，是之謂能用之。○尤曰：捐與專

揚子

四

切能謂心

衝衝如也

光曰心相反

非天下之至德孰能用

之

咸曰衝衝猶多也言諸侯如是者多矣安能用之○
祕曰當時諸侯衝衝然非有天下之至德至道誰能

用之哉○光曰季宋吳本皆無德字音義稱
天復本有之今從之至德謂至明之德也

或問孔子

知其道之不用也則載而惡乎之

欲知載道術何所之
詣○祕曰何所之乎

○光曰曰之後世君子

許來哲○祕曰與諸後世之王
者禮運曰禹湯文武成王周公

由此其選也此六君子者未有不謹於禮者
也○光曰俟後之聖賢必有能用其道者

曰賈如是

不亦鈍乎

言畜貨以遺後畜道俟將來是遲鈍○祕曰
譬如賈之不售○光曰賈音古言行道者貴

於及身乃載以遺後世譬如
為賈求利者如此不亦鈍乎

曰衆人愈利而後鈍

咸曰
邪道

苟合久而益非○祕曰聖人愈鈍而後利咸曰正德不偶久而益光

○祕曰初不苟合久而利博○光曰言利愈近則愈小愈遠則愈大關百聖而不慙
關猶

言管也苟子曰天下之道管足矣百王之法一是矣楊
僚曰管樞要也○光曰孔子之道雖經百聖不可易

蔽天地而不恥咸曰蔽猶塞也言道塞於天地而無所愧○光曰蔽當作弊終也 能言

之類莫能加也祕曰自生民以來未有如貴無敵富無

倫光曰堯舜利孰大焉
祕曰他貴以位而富以財聖人所不能踰貴以道而富以教無倫敵矣利

及萬世非大而何○光曰範圍天地曲成萬物或曰孔子之道不可小歟嫌孔

其道故當其曰小則敗聖如何祕曰小道害聖如之何
時不能見用可小○光曰音義曰天

復本無如何字
今從季宋吳本

曰若是則何為去乎

咸曰言不見用則已何去魯去衛之

為乎○先曰道既不可小則所如不合何必去父母之邦

曰愛日

祕曰欲及時急於行道

曰愛

日而去何也

咸曰言欲及時施道則止魯可矣何去之○祕曰去魯○先曰留魯而化之則收效

彌遠曰由羣婢之故也不聽正諫而不用噫者吾於觀庸

邪無為飽食安坐而慝觀也

齊人歸女樂季桓子受之三日不聽朝政諫而不用

於是遂行○咸曰孔子相魯齊人惟而欲敗其政遜齊國中女子好者八十人皆衣文衣而舞容瑣文馬三十駟以遺魯君季桓子語魯君為周道游觀終日怠於政事子路曰夫子可行矣孔子曰魯今且郊如致膳乎大夫則吾猶可以止桓子卒受之三日不聽政郊又不致膳俎於大夫遂行而師已送之曰夫子則非罪也孔子

曰吾歌可乎歌曰彼婦之口可以出走彼婦之謁可以
死敗優哉游哉聊以卒歲師已反歌桓子曰孔子亦何
言師已以實告桓子曰夫子罪我以羣婢故也不聽正
當作不聽政字之誤也雖竟猶政教之聲謀鴻五意之
類也庸邪謂女樂也言仲尼所以雖竟然歌之而去者
蓋不能飽食安坐應觀庸邪之樂欲變日汲汲於施道
也○先曰宋吳本作不用雖噫者今從李本無雖字正
與政同應一盪反季桓子受齊女樂不聽政孔子諫不
用乃嘆曰吾為大夫宣可坐觀其由此觀之夫子之日
政亂民困邪故去之佗國觀庸闕

亦愛矣

惜寸陰○先曰知己道必不
行於魯故汲汲去之佗國

或曰君子愛日乎

秘曰君子必如
夫子愛日乎

曰君子仕則欲行其義居則欲彰其道

秘曰仕則欲道之行居則欲
道之著○先曰居處不仕

事不慝教不倦焉得日

不日

暇給○咸曰言不廢一
畧安得餘日而愛之

或問其有繼周者雖百世可知

也秦已繼周矣不待夏禮而治者其不驗乎

秘曰孔子言殷因於

夏禮周因於殷禮三代損益相因若循環而繼周者
宜復用夏禮矣秦不用而治是聖人之言無驗乎曰

聖人之言天也

咸曰聖人之所言者天命也如五運正統者爾故能相因而損益

天妄

乎

秘曰聖人之言天意也聖言不驗豈天或妄乎無妄也言暴亂者非天意也○先曰聖人之言譬如天天

運行有常
豈妄動乎
繼周者未欲泰平也

咸曰妄忘也天似未欲天下之平而忘乎命聖

人以繼周故秦非正統偶因暴而得之也
○秘曰秦不用三代之禮是未欲太平也如欲泰平也

捨之而用佗道亦無由至矣

暴秦之繼周王莽之篡漢臧獲猶將悼之賢者能無

慨歎乎○咸曰佗道謂邪道指秦政也言天如欲天下
之平則捨秦而立用聖人矣用聖人則秦之邪道亦無
由至矣今註辭殊不據文釋之但引王莽比秦似非正
文之意夫王莽篡也而秦并天下其可謂篡邪秦與王
莽暴則同矣而其所以取異焉○祕曰如余之赫赫乎日
意亦欲泰平也捨禮而用刑法亦無由至也

出之光羣目之用也渾渾乎聖人之道羣心之用也

曰祕

羣目非日光無以辨色羣心非聖道無以表正○光曰
渾戶昆胡本二切目因日光然後能有見心因聖道然
後能有知渾渾或問天地簡易而聖人法之何五經之
廣大疏通之貌

支離

嫌難了○咸曰支離猶委曲也○祕曰支離猶言
分散也各有糾條分散而難通○光曰支離猶扶

疎繁多

曰支離蓋其所以為簡易也

支離分別之而後
朗然事得簡易○

祕曰五經分散各有科條使人沿波討源然後知聖人之道法天地之簡易也

馬離

○既簡既易乃是混茫之初馬支馬離言不可了也

而後至於易了如其已自簡已自易則安用文安用離○

祕曰已達聖人之道何支離之有○光曰道之未明故支離以明之道之既明則坦然簡易安用支離也言經

者所以明道既或曰聖人無益於庸也

祕曰庸用也老

之言故曰無益於用據漢尚黃老而司馬談班固之徒各稱老嚴之妙而誠皆聖人是又或人問難多此類也

曰世人之益者倉廩也取之如單

有時而盡○光曰倉

所藏仲尼神明也小以成小大以成大雖山川丘陵草

木鳥獸裕如也

學其道者大小各隨其本量而取足○
秘曰神者所以用乾坤六子而生萬物

者也聖人之道神明之道也得其小大各有所成而無
所窮盡裕如也○光曰神明造化也生物無窮裕如有

餘如不用也神明亦末如之何矣

神明有所不訓○秘曰如

有固背之而不用亦猶草木鳥獸斲之齧之使不得遂
其生雖神明亦無如之何也○光曰頑石朽木造化所

不能移昏君愚人
聖人所不能益

或問聖人占天乎曰占天地

言能占

曰孔安國曰無事不通謂之
聖○光曰仰觀象俯觀法

若此則史也何異曰史以

天占人聖人以人占天

聖人以人占天者先乎天也史
以天占人者後乎天也大聖先

天而天不違良史後天而奉天時知其先後則天
之情得矣○秘曰以天占人者觀天以見人事也以人

占天者因人以知天意也○光曰史考察象數知人事之吉凶聖人修人事知天道不能違

或問星

有甘石何如

秘曰或人復問史之尤著者善於占星晉志曰諸侯之史齊有甘德魏有石申夫皆

掌著天文各論圖驗其巫咸甘石之說後代所宗

曰在德不在星德隆則晷星

星隆則晷德也

咸曰晷影也猶影蔽之也隆尚也言隆尚於德則影蔽星隆尚於星則影蔽

德業○秘曰晷規也星之妖瑞不虛發應有德無德之隆盛亦規德而已○光曰晷影也影從形者也德崇則

星從而祥星崇則德從而壞

或問大人曰無事於小為大人

賢者志大之謂

○秘曰請問小曰事非禮義為小

尚志在乎禮義大人之事備矣○光曰治

禮義則餘無不聖人之言遠如天

天懸象著明而人不能察聖人設教施令

而人不賢人之言近如地山川澤田之形可得而鑒○

亦承天而時行瓏璫其聲者其質玉乎玉之瓏璫其聲亦猶君

喻遠近之美孟子曰玉振也者終條理也○先曰瓏璫宋吳本作玲瓏今從李本瓏虛紅切璫音震質美則聲

清德充則言善聖人矢口而成言肆筆而成書○失正也肆操也

肆恣也放口恣筆動成典訓爾雅曰矢弛也郭云弛放言可聞而不可殫書可觀

而不可盡性與天道○秘曰所以遠如天○先曰聖人

周之人多行貴尚德義仁人得行其道○咸曰正人得

行其道況衆人者非能行道若以為仁人則又與正人相反非揚旨也此蓋言周盛王道禁網疏闊商賈之人

皆得謗議於市故眾人略無諱忌所行皆可爾

秦之人多病

道屈沈也○咸曰

非為眾人安有道可況哉此言秦法刻密偶語者行有

之也病曼之也

也○咸曰注殊不解行有之病曼之者秦無道

義但云周有德秦無道即未知行有之病曼之果何語

邪甚非謂矣夫行有之者謂他人所敢行天下或有之

或無之惟周之人所敢行者天下皆有之言多也病曼

之者曼長也言他人所病者或作之或愈之惟秦之人

所有病者天下長然言無愈時也○秘曰曼無也多行

樂於事業而不墮也多病困於刑罰而不蘇也周人所

以多行者由君存而有之也秦人所以多病者由君視

之如無也刑法志曰秦用商鞅連相生之法造參夷之

誅○光曰行下五切曼莫半切周人多賢行皆周之士

有聖人之道以教之也秦則無無之故多疵病周之士

也貴

道泰業隆故尊貴○咸曰言周棄邪用賢為貴○

故可貴

秦之士也賤

道否人卑故窮賤○咸曰言秦

以刑法而責成之所以賤周之士也肆

肆放任意而道

者天子聽政公卿至於列士皆得獻詩以諫言周無所

忌故臣下皆得肆縱直言○秘曰肆猶縱恣也縱行公

道○光曰優秦之士也拘

拘制曲從不肆正道○咸曰

海仁義之間

于西

載始也魄光也載魄于西者光始出於西而漸東

既望則終魄于東

光稍虧於西而漸東盡○咸曰按周

三日明生之名康誥曰惟三月載生魄傳云三月始生
魄月十六日明消而魄生是則魄為明魄為晦矣夫月
未望者即始生明之時也正文宜曰月未望則載魄于
西夫月既望者即始生魄之時也正文故曰既望則終
魄于東今未望亦言魄蓋字之誤也而注文隨誤強其
解以魄為光恐失其義○光曰明在於東成魄之終其

逝於日乎

逝迎也言為人臣終始盛衰向迎其君如月
迎日天理然也○咸曰逝向也夫日行遲一月

歲而周天月行速一月而周天故月之行終始皆向日
也非有迎日之義其上下弦之時行度近日所以光損
而未盛及夫月十五日其行度遠而與日相對望所以
光滿而明也猶臣之近君則威損遠君則勢盛揚子上
言周秦之士故因論日月之分以明君臣之道當然而
秦不然也○光曰逝音素月逝日而有光猶臣賴君而
有功彤弓黼矢不為有矣制以喻有君而無臣○咸曰周之

故平王東遷晉文侯有安定之功遂賜彤弓一彤矢百
盧弓一盧矢百也此言秦之士賤而拘頗失君臣之道
則安所用忠而得賜於彤盧弓矢哉故曰不為有矣注
謂以喻有君無臣不連上文失之也○光曰監落胡切
與旅同彤弓旅矢人臣之上賞也人臣不得君之任使
安能有功故雖受彤弓旅矢之賜未可自謂己功恬而
有之也晉平公問齊桓之霸君之力乎臣之力乎師曠
曰管仲善斷割鴈朋善煎熬賓胥無善齊和羹已熟矣
奉而進之而君不食誰能彊之亦其君之力也樂羊拔
中山迺而論功魏文侯示之誇書一篋樂羊再拜稽首
曰此非臣之功也

聆德前世清視在下鑑莫近於斯矣

以御古

今御今以古則殷鑒不遠○咸曰聆聽也前世謂周秦
也下謂士庶也言後之為君者辨聽周秦之疏間刻密
明視臣庶之行病拘肆則為鑑之道無近於此矣○光
曰李本聆德作聆德今從宋吳本前世不可見故云聽

臣民今在下故云視或問何如動而見畏曰畏人何如動而見侮

曰侮人

禍福無門惟人所召○咸曰鄭康成云心服曰畏此言畏猶心服而畏敬之也故畏敬於人則

人亦畏敬之慢侮於人則人亦慢侮之

夫見畏與見侮無不由己

我欲仁斯仁至

矣或問禮難以彊世

言禮事至難難以彊世使行○光曰彊其兩切下同世人皆苦禮之

拘難以彊之

曰難故彊世

秋曰禮者君子之所好而世俗之所難也以其難故彊之使過者俯

而就之不及者政而及之○光曰以其難故彊使遵之

如夷侯倨肆羈角之哺果

而啗之奚其彊

咸曰夷侯倨肆皆驕倨之謂也羈角猶總角也傳曰責不期驕而驕自至是夷

侯倨肆不學而能人所易也總角之童哺啗其果亦易之也設乎禮道不難如驕啗之易則安用彊教於世哉

○光曰夷侯若原壤者凡剪髮男角女羈謂幼子也或人之箕倨驕慢及幼子啗果皆其情所欲何必彊也

性或彊及其名一也

性者天然生知之彊者習學以至也雖為小異功業既成其名一也

○咸曰性者言人之性自然而好禮也彊者言人之所難用使而為禮也性與彊既皆由禮是其為名於行禮

同也蓋因上文彊禮之論故於此誘之爾注以生知習學之義別為一段解之非謂矣○光曰人或性安於禮

或自彊以從禮及其成名一也見弓之張兮弛而不失其良兮弛或曰

何謂也曰撒之而已矣

弓良在撒格人良在禮樂○咸曰周禮謂撒為正弓之器也言

弓之一弛一張而不失其良者以有撒正之也人之一動一靜而不失其善者以有禮制之也此亦因上文而

為之言○光川有防器有範見禮教之至也

川防禁溢器範檢形

以喻禮教人之防範也以舊防為無所用而壞之者必
有水敗以舊禮為無所用而去之者必有亂患也○祕

曰川無防則水為害器無範則人廢業禮教
失則禍亂生王制曰用器不中度不驚于市經營然後

知幹楨之克立也

幹楨築牆版之屬也言經營宮室立城郭然後知幹楨之能有所立也建

宗廟立社稷然後知禮樂之能有所成也

莊楊蕩而不法

咸曰莊周楊朱之道放蕩而非法

墨晏儉而廢禮

咸曰墨謂墨家也司馬遷曰墨者儉而難遵晏謂晏嬰也禮曰晏子祀其先人

豚肩不掩豆澣衣濯冠以祭是皆不中禮也

申韓險而無化

祕曰申不害韓非之法傷於險

而無鄒衍迂而不信

迂迴不可承信○咸曰鄒衍之事迂推天地未生及海外山川之事迂

誕而不信也

聖人之材天地也

覆載與天地合其德○祕曰不可逾也○光曰無不覆載

次山陵川泉也

次聖者大賢也高顯如山陵通潤如川泉○光曰得天地之一端佐天地以育

物次鳥獸草木也

區別各有所長○成曰班固分人為三等矣上聖人如天地也中賢人如山陵川泉也下庶人如鳥獸草木也夫人之不學以勉為賢則鳥獸草木

之流矣有旨哉揚子之言○秘曰衆人也語曰譬諸草木區以別矣馬融曰言大道與小道殊異譬如草木異類區別言學當以次○光曰依於山陵川泉以自生所得彌小

先知篇

咸曰聖人之哲動則先知故次之五百

立政鼓衆動化天下莫尚於中和

光曰鼓謂鼓舞

中和之發在

哲民情

哲智○秘曰五行傳曰哲知也中和之發則民之情偽無不先知中庸曰喜怒哀樂之未發謂

之中發而皆中節謂之和中也者天下之大本也和也者天下之達道也致中和天地位焉萬物育焉○光曰哲當作哲哲明也言將發謨先知○秘曰聖人達于事幾中和之政在光明民情

下之化○光曰論為政之道

先知其幾於神乎

幾近也神以知來探未兆也逆誠先知近於神也○光曰幾音機下同

敢問先知曰不知

○答以不知者神悟則先知非問之所及○秘曰知之其神乎

知其

道者其如視

便見

忽眇繇作眇

眇繇遠視也○咸曰忽輕也眇細也繇遠也眇謂

炳然光明也此言先知之道臨事則悟如明目之視忽輕眇細繇遠之物皆炳然而見也注從其如視隔為一句復以眇繇為一事釋之顧失其義○先甲一日易後

光曰宋吳本眇作炳今從李本音丙闕

先甲一日易後

甲一日難

甲者一句之始已有之秘也先之一日未兆也後之一日已形也夫求福於未兆之前易

救禍於已形之後難○咸曰甲者教令之始也大明王

之道先令後刑故先甲一日以昭而示之也示之而雖

犯猶宥之故曰先一日易也後甲一日以廣而諭之也

諭之而尚犯則犯之故曰後一日難也○祕曰周禮縣

治象之法于象魏使萬民觀治象扶日而歛之鄭司農

云從甲至癸謂之扶日凡十日是以易稱先甲三日先

庚三日皆為申命令之義夫十有十日自甲至癸皆扶

日之義而易獨取甲與者以甲木主仁而示其寬令也

庚金主義而示其嚴令也今夫先見者察民未犯之前

先一日申其令則其為治易也如當已犯之後後一日

申其令則其為治難也○尤曰並闕或問何以治國曰立政曰何以立政

曰政之本身也身立則政立矣

子帥以正孰敢不正或問為政有

幾

幾要也欲知為政善惡之要○祕曰請問其目

曰思斂

斂○威曰言政善則人思慕之政惡則

人厭苦之○祕曰斂斂也思致二義而已○先曰斂音亦

或問思斂曰昔在周公征

于東方四國是王

王匡○威曰詩云周公東征四國是皇○先曰王當為匡詩傳云皇匡也

召伯述職蔽芾甘棠其思矣夫

祕曰周公旦攝政三監管蔡商及奄之四國叛

周公東征三年而歸四國於是從王命也故東山二章言其思也詩云亦可畏也伊可懷也召公奭聽訟於甘

棠之下國人思其人美其樹詩云蔽芾甘棠勿剪勿伐皆其思矣○先曰召實詔切芾非貴切夫音扶下同

齊桓公欲徑陳陳不果內執袁濤塗其斂矣夫

伐楚雖美而御

師不整故不敢令徑○祕曰齊桓公既伐楚而欲徑從陳陳不欲內之故執袁濤塗倍公四年左氏無斂之之

文揚據公羊而言也公羊傳曰濤塗謂桓公曰君既服南夷矣何不還師濱海而東服東夷且歸桓公曰諾於是還師濱海而東大陷于沛澤之中顧而執濤塗古者周公東征則西國怨西征則東國怨桓公假塗于陳而伐楚則陳不欲其反由己者師不正也不脩其師而執濤塗古之人討則不然也○光曰內音納 嗚呼

從政者審其思斃而已矣或問何思何斃光曰何曰老

人老孤人孤病者養死者葬男子畝婦人桑之謂思為

如此人所思也○祕曰使人各得其所則見思矣 若汙人老汙慢○祕曰汙辱

初 屈人孤屈窮○祕曰屈抑之 病者獨祕曰無 死者逋祕曰見死

不葬○光曰 田畝荒杼軸空之謂斃民厭苦也○祕曰使人各失其所則

欽定四庫全書 揚子 十五

見厭為政日新或人敢問日新咸曰欲知其旨曰使之利其仁

樂其義

咸曰使民以仁為利以義為樂則勤於進矣○祕曰博愛為仁則其利彌廣合宜為義則其樂

無窮○光曰仁義者顯榮故利而樂之

厲之以名引之以美

咸曰以名譽而勵勸之以

美善而引導之則喜於行矣

使之陶陶然之謂日新

咸曰如是則民欣欣無怠非

日新而何○祕曰日日新○光曰陶陶喜為善之貌

或問民所勤

勤苦曰民有三勤

曰何哉所謂三勤曰政善而吏惡一勤也

光曰不能宣布稱上志

吏善而政惡二勤也

光曰掣肘不得行其志

政吏駢惡三勤也

政君

也駢並也○祕曰駢并也

禽獸食人之食土木衣人之帛

光曰衣穀於既切穀

人不足於畫絲人不足於夜之謂惡政

人君苑囿禽獸故殺人竭力於

畫也土木衣絳錦故絲人竭力於夜也畫夜竭力而猶不足是故為惡政

聖人文質者也

人

才質刻而畫之文而藻之○咸曰質者言世之質野如鳥獸草木然聖人因為禮樂制度以文飾之故有別也

注謂因人才質刻而畫之無乃不可乎○祕曰因其質而文之○光曰質者為政之大體也質既美矣又須禮

樂以文之周書曰若梓材既斲模斲惟其塗丹楨

車服以彰之

車服等差辨彰貴賤○祕曰五

車十二衣以彰之

藻色以明之

藻色輕重顯明尊卑○祕曰文藻五色以明之○光曰藻色謂

文物也彰明上下之體

聲音以揚之

歌於管絃詠其德美○祕曰和鸞玉佩五音六律以揚之

詩書以光之

載其功德光昭後世○祕曰頌戴其德光顯後世皆所謂文質者也

蓬豆不

陳玉帛不分琴瑟不鏗鐘鼓不聒吾則無以見聖人矣

言此諸禮存故得觀聖人○祕曰聒鐘鼓之聲也聒與隱聲相近隱荀皆聲也此皆謂質野無文而已○光曰

李本吳本聒皆作聒于粉切說文云聒有所失也音義曰天復本作聒音云耳中聲也今從之言聖人事業皆

在制禮作樂之中也或曰以往聖人之法治將來譬猶膠柱而調

瑟有諸曰有之光曰言當隨時制宜曰聖君少而庸君多如獨守

仲尼之道是漆也漆甚於膠○祕曰漆膠類曰聖人之法未嘗不開

盛衰焉咸曰觀其盛衰以為之昔者堯有天下舉大綱

命舜禹咸曰大綱猶大道也○祕曰大綱皇綱也堯命舜舜與賢則與賢也○祕曰大綱皇綱也堯命舜舜

矣

禮樂征伐當由天子所出而春秋之時天子微弱齊桓晉文專命征討然其所為皆尊王室故春秋公羊

傳文雖不予而實予之存於公正也○祕曰予與與同春秋之時齊晉得專征伐者蓋前王與之爾僖四年傳

管仲曰昔召康公命我先君太公曰五侯九伯女實征之以夾輔周室周制諸侯有大功賜弓矢然後專征平

王賜晉文侯彤弓一彤矢百雖弓一雖矢百實與者謂孔子刪書而序文侯之命無所黜去則齊亦宜然也自

湯武以上稱由是言之或曰人君不可不學律令曰君明二霸之迹不可繼也

子為國張其綱紀謹其教化

綱之有綱紀猶君之有股肱也綱紀張則綱目正股

肱良則庶事康導之以仁則下不相賊莅之以廉則下不相盜

臨之以正則下不相詐修之以禮義則下多德讓此君

子所當學也如有犯法則司獄在

執契而已○祕曰各有司存

或苦

亂

苦患○祕曰或人以任有司苦患其紊亂

曰網紀

網紀然後綱目正○祕曰提其綱正其紀則有

條而不紊○光曰自天子至於庶人上下相承如身使臂臂使指

曰惡在於網紀

光曰惡音

鳥下

曰大作網小作紀

網輔網紀君任輔佐○光曰天子為四方之網諸侯為一國之

網卿大夫士各紀其職亂何自生

如網不網紀不紀

謂失網紀之任

雖有羅網

惡得一目而正諸

○網無網紀目不正君無股肱國不治○祕曰王者之教化也仁廉禮義為

其綱以糾之則百辟自正

或曰齊得夷吾而霸仲尼曰小器

祕曰管仲之器

我小請問大器曰大器其猶規矩準繩乎先自治而後治

人之謂大器

夫以規矩準繩而能使上下無猜者大器也。大器者必龍皆羣疑之表。莫得與之爭。

量也。管子相桓公不能以之自固。三歸反玷。然後能為器。安。

出於是。大器者也。管子不。或曰正國何先曰躬工人績

躬身也。工官也。言先正身以臨百官。次乃覺察其人。考其熱績也。○光曰工巧則績善。工拙則績惡。言當先正

其身然。或曰為政先殺後教光曰言當先使民畏威然後可教。曰嗚呼

嗚呼駭天先秋而後春乎將先春而後秋乎天道先春後秋以成

歲為政先令吾見玄駒之步玄駒蛇雉之晨雉也雉化

後誅以成治其可以已矣哉感陽應節自然之教化亦非強為之益

順春秋自然之道先教不從而後刑焉聖王奉若天道牧之而已譬如螻之能行雖之畏雖蟲之微者非教化

之所及所以然者天道自然先化之耳斯為政所以先教也少行也崔豹古今注云螻曰玄駒○光曰宋吳本

已作成今從李本螻出蟄而行雖之朝雖皆春候也天以陽氣薰蒸萬物而成春聖人以道德陶染百姓而成

教化故見春物而知民可使覲德是以堯舜之不可使覲教化安可以已哉民可使覲德是以堯舜之不可使覲

刑是以桀紂之民比屋可誅○秘曰王者可以德示民而不可以刑示民亦先德後刑之義也在易坎險為

刑而象曰王公設險以守其國隱刑言險是不可顯示於人此聖人深旨也爾雅曰坎律銓也郭云易坎卦主

法法律皆所覲德則純覲刑則亂秘曰覲德則民歸厚以銓量輕重覲德則純覲刑則亂秘曰覲德則民歸厚

故象龍之致雨也難矣哉象似也言畫繒刻木以為曰

龍乎龍乎

難非真龍真龍而後能致雲雨明君而後道
化行也○祕曰言龍非其然乎真龍然後雲

行雨施若大旱非有傳說賢明之實者豈能為霖雨哉
○光曰言非龍也為政者當務實不可以文飾致治

或問政核

咸曰核實也問為政之實○光
曰核下革切謂精確得其實

曰真偽

人用真
遠

偽真偽則政核

善善明則真人顯惡惡著則佞偽息真
偽審則政事核也○祕曰真真而偽偽

則政得其實○光曰真偽真
偽當作真真偽偽古書多然

如真不真偽不偽則政事

不核

北面之禍南面之賊也○祕
曰真偽而偽真則政事不寔

鼓舞萬物者其雷風

乎鼓舞萬民者其號令乎

天以雷風鼓舞萬物
君以號令制御萬民

雷不一

三令風不再

制無二也○祕曰雷發則羣蟄皆起雷收
則羣蟄坯戶不主於一者也春風至則萬

物皆生秋風至則萬物皆落不俟乎再者也猶王者號令一出天下大同大同則何一之有一出則何再之有

○光曰一再言其少洊雷隨風聖人樂天咸曰聖人知天命遇與否

皆樂焉陶成天下之化使人有士君子之器者也咸曰言明道立

教使天下皆成其器猶陶甄者隨小大而制之○秘曰陶者無模範則泥不成器聖人無禮制則人不成君子

○光曰宋吳本樂下有天字今從李本故不遁于世不離于羣咸曰故仲尼惶惶于

宋鄭之郊孟子區區于齊梁之間者蓋此也○秘曰所謂樂天○光曰離力智切遁離者是聖

人乎秘曰係隱行怪非聖人歟○光與雌之不才其卵微

矣微敗○光君之不才其民野矣民之陶化猶泥之在鈞○秘曰微謂壞而

不化野謂或曰載使子草律載設也草初也曰吾不如

弘恭咸曰弘恭與石顯皆少坐法腐刑為中尚書漢宣元朝專律令時詭辨以中傷人○光曰恭習律令

草奏曰吾不如陳湯咸曰陳湯字子山漢成帝朝王鳳奏以為從事中郎幕府事一皆決

於湯湯明法令常受人金錢作章奏卒以此敗○光曰湯善草奏曰何為曰必也律不

犯奏不剋論語云聽訟吾猶人也必也使無訟乎此亦言當以純德化之使不犯律不剋奏也○光

曰剋以甄陶天下者其在和乎咸曰和謂剛則柔得所剛則甄柔則

坯甄燥也坯慢也言失和也夫陶者失剛柔之和則不成器為政失寬猛之中則不成治○咸曰甄破瓦又

破甕也坯恇恐也言陶法太剛則破裂太柔則恐弱而不能成○光曰宋吳本坯作恇今從李本甄居延切甄

五計切坯鋪回切坯土疎慢不黏也言頸者和土剛柔之齊太剛則破裂太柔則疎慢治天下亦猶是也龍

之潛亢不獲其中矣

初九潛龍勿用上九亢龍有悔○祕曰天地以中為用

是以

過中則惕

九三居下卦之上過其中則夕惕也

不及中則躍

九四居上卦之下不及中

故躍淵

其近於中乎

二五得中故有利見之吉○光曰以其惕躍故近中愈於潛亢

聖人

之道譬猶日之中矣

光被四表○祕曰聖人之道中道也故於乾於日無不在中

不

及則未

不及則未盛明

過則吳

日吳明盡言昏昧也

什一天下之正也

什一

稅民天下之中賦正法也

多則桀寡則貉

公羊傳曰多乎什一大桀小桀寡乎什一大貉小貉

○光曰貉莫白反

井田之田田也

謂古八家是治宜也

肉刑之刑刑也

三

之屬是正法也

田也者與衆田之

咸曰示均而無升兼

刑也者與衆棄之

咸曰示公而無枉濫

法無限則庶人田侯田處侯宅食侯食服侯

服

○法制無限則興奢侈長僭亂
○光曰衆田庶人田皆音畝

人亦多不足矣

僭亂既興民多

匱竭為國不迪其法

迪

而望其效

效

譬諸算乎

夫算者不運籌策不

能定其數治國者不蹈法度不能致康哉○光曰算西

管切欲治而不用先王之治譬如無財而運算終無益

於富也

揚子法言卷六

揚子法言卷七

晉李軌 唐柳宗元 注

宋宋咸吳祕司馬光 重添注

重黎篇

咸曰夫幾神之道一貫乎君臣則至化具矣故次之先知

仲尼以來國君將相卿士名臣參差不齊

言志業不同也又云患世

論之不實褒貶之失中也○祕曰一槩諸聖

一以聖人之道繫平

檢身事主賢愚逆順曾不齊一之○咸曰或邪或正皆不齊等故究論其要一以聖人之道繫量之○光曰經仲尼所論者揚子不敢復措辭

譔重黎

咸曰君聖臣賢邦乃其昌下陵上替天命不常得其道者不俟終日以保萬世也。光曰論古

今君臣行事得失

或問南正重司天北正黎司地今何僚也

司主也僚官也少皞氏衰

九黎亂德帝顓頊命重黎主天地也。祕曰昔之重黎當今之世何官也歷書曰顓頊受之乃命南正重司天以屬神火正黎司地以屬民北正黎曰近羲近和堯有即火正黎也。光曰重直龍切下同曰近羲近和羲和之官王莽時亦復立焉聖王之立重黎羲和者其所以重黎羲和耳非莽所立也。咸曰莽更名大司農曰羲和羲與古殊矣揚故孰重孰黎曰羲近重和近黎

羲主陽和

舉其本而譏其殊

主陰故云耳。光曰王莽置羲和及羲仲和仲官其所掌未聞

或問黃帝終始

世有黃帝之書

論終始之運當考文之時三千五百歲天地一周也○
或曰註殊不明揚之旨大非矣學者宜自思之○祕曰

或言黃帝三百歲或言升龍登仙帝曰託也假黃昔者

王世紀史記皆有是言故問其終始

如氏治水土而巫步多禹如氏禹也治水土涉山川病足故行跋也禹是聖人是以

鬼神猛獸蜂蟄蛇虺莫之鵲盧人也而醫多盧太山人

○咸曰扁鵲夫欲讎偽者必假真讎類○祕曰讎匹也欲匹偽必以真使人

信之○光曰讎禹乎盧乎終始乎言皆非也於是撫書而歎曰深矣揚子之

與售同詩晝切譏也王莽置羲和之官故此章寄微言以或問渾天光

發重黎之問而此句明言真偽之分也渾胡曰日落下閭營之鮮于妄人度之光曰度耿中丞象

之幾乎幾乎莫之能違也

幾近也落下閭為武帝經營之鮮于妄人又為武帝算度

之耿中丞名壽昌為宣帝考象之言乎近其理乎談天者無能違也○咸曰漢落下閭鮮于妄人耿壽昌算造圓儀以考歷度蔡邕云名天體者有三家一曰周髀二曰宣夜三曰渾天宣夜之學絕無師法周髀術數具存考驗天狀多所違失政令官不用惟渾天者近得其情今史官所用候臺銅儀則其法也揚子作太玄亦取象於渾天言渾淪而行故此明渾天之法莫之能違也○光曰宋吳本作幾幾乎今從李本光謂象之謂作渾天

後請問蓋天

欲知蓋天圖也○咸曰蓋天即周髀也其本庖羲氏立周天歷度其所傳則周公受

之於商而周人志之故曰周髀言天似蓋笠地法覆槃天地各中高外下北極之下為天地之中

曰蓋

哉蓋哉應難未幾也

再言蓋哉者應難以事未有近其理也○光曰難乃且反

或問

趙世多神何也

如簡子之事非一故問之。祕曰世多神異也。成公十年傳曰晉侯夢大厲被

髮及地搏膺而踊曰殺余孫不義杜云趙氏之先祖也八年晉侯殺趙同趙括故怒史記趙簡子五日不知人寤曰我之帝所與百神游于鈞天廣樂九奏萬舞不類三代之樂其聲動人心曰神怪茫茫若

存若亡聖人曼云

子不語怪之謂。祕曰神怪無實聖人無云小爾雅曰曼未沒無也。光

曰曼無也無言之者

或問子胥種蠡孰賢

咸曰伍子胥吳臣文種范蠡越臣問此三人誰

賢。光曰種

章勇切下同曰胥也俾吳作亂

光曰謂進專諸於閭閻使弑僚

破楚入

郢

郢楚都也。祕曰子胥父奢為楚平王太子建太傅少傅費無忌讒太子建平王殺奢并殺兄尚子胥亡

後奔吳知吳公子光有內志欲殺王而自立未可說以外事乃進專諸既而公子光乃令專諸襲刺吳王僚而

自立是為吳王闔廬。闔廬既立，得志乃召伍員以為行人，而與謀國事。六年，楚昭王使公子囊瓦將兵伐吳。吳使伍員迎擊，大破楚軍於豫章。取楚之居巢。九年，吳王闔廬聽子胥孫武之言，以悉興師與唐蔡伐楚。己卯，楚昭王出奔康。鞭尸藉館。君舍君之室，大夫舍大夫之室，辰吳王入郢。既不得乃掘楚平王墓，出其尸，鞭之五百，然後已。藉館舍室也，各舍楚君大夫之室。○光曰：藉，茲夜切。皆

不由德

報父兄之恥於斯則無禮。○祕曰：自俾吳作亂至藉館，皆志在自報其讎，非由德者也。

謀

越諫齊不式

用式不能去

三諫不從於禮可去

卒眼之

夫差伐越，越棲會稽，請委

國為臣。子胥諫曰：「吳不取越，越必取吳。」又曰：「有吳無越，有越無吳，不改是矣。」吳將伐齊，又諫曰：「兵疲於外，越必襲吳，不聽。」遂伐齊。反，役夫差，故之將死，曰：「吳其亡矣。」以吾眼置吳東門，以觀越之滅吳。

種蠱不彊

諫而山棲

光曰責其不彊諫於未敗至使勾踐棲於會稽

俾其君詘社稷之靈

而童僕

越曰越三年勾踐聞吳王夫差日夜勤兵將報越欲先吳未至往伐之范蠡諫以為未可而勾

踐不聽遂興師吳王聞之發精兵擊越敗之夫椒越王乃以餘兵五千人保棲會稽之山吳王追而圍之勾踐乃令大夫種行成於吳膝行頓首請與妻為臣妻吳王聽太宰嚭之言遂許之卒赦越罷兵而歸言蠡初諫不從二臣盡強又終弊吳

越曰勾踐後用范蠡計果大敗吳遂復棲吳王於姑蘇之山吳

王使公孫雄肉袒膝行請成於越勾踐欲許之范蠡諫以為不可吳王夫差遂自殺賢皆不足仰

也

仰美○祕曰三子之從師無名馬若以賢者議之俱不足高也

至蠡策種而遁肥矣

哉

美蠡功成身退於此一舉最為善○祕曰范蠡既去越乘舟浮海以行終不反自齊遺大夫種書種見書

稱病不朝人或讒之越王乃賜種劔種遂自殺言蠡遺種書知越王可與共患難不可與共樂而遜於賢則不足可以合肥遜之義耳在易遜之上九曰肥遯無不利○光曰策謂警之使去賢此一節

或問陳勝

吳廣曰亂

此暴亂之人也。光曰言非有高材遠慮但首亂之人耳

曰不若是則秦

不亡曰亡秦乎恐秦未亡而先亡矣

夫有干越之劔者匣而藏之不敢用

是寶之至也況乃輕用其身而要乎非命之運不足為福先適足以為禍始○祕曰言為權首者先亡也范曄

曰夫為權首鮮或不及陳項且猶未興况庸庸者乎

或問六國並其已久矣一病

一瘳迄始皇三載而咸

皆屬秦也。祕曰韓魏燕趙齊楚之六國並立其久矣一咸一

衰至秦始皇三載而咸按始皇即位以歲在乙卯為元年至二十六年始并天下乃稱皇帝今言始皇三載而

成者蓋言稱皇帝後三年東行郡縣上鄒嶧山刻石頌
秦功德封泰山禪梁父而天下咸一也。○光曰按始皇

十七年始滅韓至二十六年祕曰時時激地保人事乎可取以

滅齊天下為一今云三載闕激之乎保地勢以全之乎修人事以得之乎曰具咸曰

也言三請問事咸曰問三事之目曰孝公以下彊兵力

農以蠶食六國事也祕曰戰國之時不修農政秦自孝公用商鞅變法修刑務耕稼勸戰

死之賞罰於是遂強而蠶保祕曰問曰東溝大河南阻

食六國修人事之効也地保

高山西采雍梁北鹵涇垠便則申否則蟠保也

采食稅也涇涇

水也。○咸曰賈誼云秦孝公據殽函之固擁崑州之地
君臣固守以闔周室有席卷天下并吞八荒之心故憑

此險固事便則可申之以取天下未便則蟠屈以堅守是亦有地保之道也。○祕曰東以大河為溝塹南以商山為險阻西以雍梁二州為供事北以涇水之根為鹵地勢便則申勢否則屈此地保也采事也書曰百里采孔云供王事而已。○光曰宋吳本高山作商山今從李本梁州蜀地也鹵掠也涇根謂義渠掠其畜食以自資

激

祕曰問時激

曰始皇方斧將相方刀六國方木將相方肉

激也

方比。○咸曰賈誼云始皇執敵朴以鞭笞天下言易也此云六國方木將相方肉者言六國與將相

之勢方如木肉而始皇與將相之威方如斧刀故以斧刀而伐木肉亦易之矣此亦時激之道也。○光曰始皇

欲斷喪諸侯方如斧而諸侯愚昧方如木秦之將相銳於功利方如刀而諸侯將相懦弱方如肉故始皇所以

能兼天下者適丁是時也

或問秦伯列為侯衛

在外侯望羅衛天子咸曰秦伯謂秦襄

公也周平王東遷秦
襄公始列為諸侯

卒吞天下而赧曾無以制乎

咸曰
赧周

赧王也言秦自襄公始為諸侯由孝公以來益彊至始
皇六世卒吞二周而并天下蓋非一朝一夕之故何赧
王曾無畫以制之乎○光曰赧
奴板切侯衛略舉九服遠近

曰天子制公侯伯子男

也庸節

庸以也節度也○咸曰庸用也言天子
用禮節以制馭五等諸侯各有其序

節莫差

於僭

咸曰言五等之禮各有序不
可僭禮之差失者莫大於僭

僭莫僭於祭

咸曰僭
之大者

莫大於
僭祭祀

祭莫重於地地莫重於天

既盜土地又盜祭天
○祕曰天子得祭天

地則襄文宣靈其兆也

始於四公以來者言周之衰非
一朝一夕○祕曰僭兆已見

昔者襄公始僭西時以祭白帝

光曰時
音止

文宣靈宗興廊

密上下用事西帝

光曰鄭
芳無切

而天王不匡反致文武胙

宗

也文公起鄜時宣公起密時靈公起上下時。咸曰秦襄公居西垂自以為主少昊之神作西時祠白帝文公東獵汧渭之間卜居之而吉夢黃蛇自天下屬地其口上於鄜衍史敦曰此上帝之祥君其祠之遂作鄜時也至宣公作密時於渭南祭青帝也其後靈公作吳陽上時祭黃帝作下時祭炎帝也此言秦自襄公以來因周之衰已僭天子之禮用事於白帝青帝黃帝炎帝四帝矣而周之微弱不能正之反致文王武王膳胙於秦也故太史公曰秦離戎狄之俗位在藩臣而據於郊祀君子懼焉如是則制公侯伯子男之禮何節之有哉。○光曰宋吳本天王作

是以四疆之內各以其力來侵攘肌

天下今從李本

及骨

咸曰肌喻遠骨喻近言當是之時周已衰極諸侯強大四境之內各以兵力來侵達削而至於近矣

報獨何以制秦乎

人之迷也其日固已久矣數世之壞非一人之所支也。或曰周自平王

下衰加之嬴秦累世強暴至始皇卒滅之所謂大樹將顛非一繩所維豈報王可制乎。祕曰周平王東遷秦偕天子之禮至顯王四十四年秦惠王稱王其後諸侯皆為王四十八年顯王崩子慎覲王立六年崩子赧王立至秦昭襄王五十一年使將軍嫪毐攻西周赧王頓首自歸盡其邑三十六城口三萬秦王受獻而歸其君於周明年九鼎入秦周遂亡豈報之出獨能制之乎。光曰攘取也。

或問嬴政二十六載

天下擅秦

嬴秦姓政始皇名。或曰始皇莊襄王子也莊襄王卒政立為秦王當是之時秦地已并

巴蜀漢中越宛有郢北收上郡以東河東太原上黨郡東至滎陽滅二周置三川郡矣至二十六年使將軍王賁從燕南攻齊得齊王建始并天下故云二十六載擅秦也。

秦十五載而楚

楚項羽。或曰

始皇自并天下後十二年卒胡亥立三年為趙高閭樂所殺子嬰立四十六日而項羽號西楚霸王故云十五載而楚五載而漢咸曰項羽為西楚霸王主命分天下後五年而定歸於漢故云五載而漢

五十載之際而天下三擅天邪人邪

咸曰言自始皇并天下至漢高祖元

年纔四十六年而天下三專於人其天命邪人事邪擅專也

曰具

備有之也。祕曰天數人事相符默

定周建子弟列名城班五爵流之十二當時雖欲漢得

乎咸曰言周以公侯伯子男五等爵封建子弟者十有二國故夾輔王室而無患雖欲擅漢不可得也。祕

曰周封兄弟之國十五人姬姓之國四十人班五等諸侯之爵暨乎周末諸侯流為十二國當是之時高皇無

尺土之階雖欲擅漢其可得乎六國蚩蚩為羸弱姬卒之屏營羸擅其

政故天下擅秦

卒終也之至也。咸曰蚩蚩無知也言六國無知皆危弱於周徒為秦終專其

政以并天下也。祕曰解朝曰離為十二合為六七秦稱富強故六國之衆皆為秦而弱周終然危懼故秦專其政以擅有天下屏營猶經營也李周翰曰屏營迴惶也。○光曰音義曰屏音并謂屏營猶旁皇失據之貌言六國與相陵弱周室適足為秦開魚并之資終自失據為秦所滅使秦得專據天下秦失其猷罷

侯置守守失其微天下孤睽

睽猶乖離。咸曰猷道也言秦之失道罷諸侯之制

分為三十六郡以置守尉而守尉無防微之援天下遂至孤獨睽乖也。○祕曰秦患周之敗以為起於諸侯力爭以弱見奪於是削去五等罷諸侯之制分為三十六郡而置郡守守失其道專任刑法無維城之固則天下孤睽矣書曰道心惟微班固曰秦據勢勝之地騁狙詐之兵蠶食山東一切取勝因矜其所習自任其私智姍

笑三代蕩滅古法竊自號為皇帝而子弟為匹夫內亡骨肉本根之輔外亡尺寸藩翼之衛。光曰守手又切秦雖置守又使御史監郡務弱其權守權既微孤立於上不能制民民苦其賦役故相乖離殺守而為盜由守素微弱

項氏暴彊改宰侯王故天下擅楚

咸曰言秦既亡是時項羽

兵最盛故專命改制諸侯王也。光曰宰割也

擅楚之月有漢初業山南發跡

三秦追項山東故天下擅漢天也

山南漢中也三秦雍翟塞也。咸曰項羽

既自立為西楚霸王梁楚地九郡都彭城既立沛公為漢王王巴蜀漢中四十一縣都南鄭三分關中立秦三將章邯為雍王都廢丘司馬欣為塞王都櫟陽董翳為翟王都高奴於是各就國漢王至南鄭士卒皆思東歸故韓信因陳楚可圖三秦易并之計遂東嚮定三秦追羽於山東因專天下由是數事兼之亦天也。光曰

初與創同言周秦楚漢一廢人問人事者何也曰兼尚
一興皆天命使然非專人事祕曰獨問人事

才權右計左數動謹於時人也

咸曰兼用也尚尊也右上也左下也言秦楚漢

之成敗或用其才良或尊其權豪或上其計策或下其
奇數雖皆謹於時然所取之異故一亡一興此乃人事
也○祕曰雖人事亦須謹慎於時然後動也○光曰兼
才謂總覽天下之英才右計左數言不離計數之中

天不人不因人不天不成

天人合應功業乃隆○祕曰天命因其人而興之其人非

受天命亦無所成天命天數皆天也書曰天之厯數在
汝躬詩曰周雖舊邦其命惟新○光曰天之禍福必因

人事之得失人之成敗必待天命之與奪或問楚敗垓下方死曰天也

項羽為高

祖所敗於垓下臨死歎曰天亡我非戰之罪諒乎

信如羽之言否

曰漢屈羣策羣策

屈羣力

屈盡也。咸曰言漢能屈己以用羣臣之策羣策能屈己以悅羣士之力故勝也。光曰羣策

無能出漢之右者故曰漢屈羣策羣力為羣策所制故曰羣策屈羣力

楚懷羣策而自屈

其力

慼惡也。咸曰楚有一范增不能用是惡羣策而徒屈己以自用其力故敗也。光曰慼徒對切既

廢羣策而不用是自屈其力也

屈人者克

勝

自屈者負

敗

天曷故焉

言

私親惟應善人。咸曰言楚之士自取爾。光曰言何預天事

或問秦楚既為天典命

矣

光曰為天主號令

秦繆灞上楚分江西興廢何速也

典主。咸曰言

秦雖兼天下楚雖暴立但為天掌其命以擇賢主爾故其興之忽廢之速也秦繆灞上者謂沛公十月至灞上子嬰係頸以組而降也故謂之繆楚分江西者分散也羽與江東子弟興兵卒敗於垓下以江東言之故謂之

西也。光曰分謂身首五分

曰天胙光德而隕明忒

天之所福光顯有德而令隕之

者明乎秦楚忒惡之所致。祕曰昭德者天福胙之令長彰惡者天隕越之令短。光曰胙與祚同忒當作慝

惡也光德謂德之昭融者明慝謂惡之顯著者

昔在有熊高陽高辛唐虞三代

咸有顯懿

咸曰有熊少典之子黃帝也高辛黃帝之曾孫帝嚳也

故天胙之為神

明主且著在天庭

咸曰天庭謂天帝之庭猶皇階帝籙之義

是生民之願也

厥饗國久長

神明主郊祀。祕曰天福胙之為天地神明之主其顯德且昭著在天帝之庭是生

民之願合乎民心故享國長久胙古字作祚。光曰宋吳本作顯懿作顯德今從李本著在天庭猶云簡在上帝之心五帝三王以明美之德故為天所祚人所愛而久長

若秦楚彊閱震撲胎籍

三正播其虐於黎苗

咸曰胎當為跖字之誤也閔很也胎籍猶暴侮也。秘曰閔閔也撲

猶言擊也胎始也籍狼籍也謂亂也三正天地人也胎籍猶言做擾也黎苗九黎三苗也布其虐甚於九黎之

亂德三苗之不恭。光曰閔許激切胎當作跖徒來切蹋也籍子夜切黎苗民也子弟且欲喪

之咸曰子弟至親亦欲其喪亡況於民乎況於鬼神乎廢未速也不

早亡。秘曰謂其不仁不親不祚宜速或問仲尼大聖則天曷不祚祚主

曰不祚之曰無土秘曰言無土地可因然則舜禹有土乎秘曰舜禹本亦

無土曰舜以堯作土禹以舜作土道貴順理動無常因也因土以行化湯文也因

聖以登禪舜禹也上無舜禹之時下無湯文之土故不祚耳若秦楚之祚非所以為祚也或問聖人

表裏

表裏內外

曰威儀文辭表也德行忠信裏也

明乎得一而已

或

問義帝初矯

矯立

咸曰義帝楚懷王之孫心也胡亥三年沛公與項梁共立為楚懷王至漢元

年項羽陽尊之為義帝實不用其命故云初矯

光曰矯舉也初舉兵

劉龕南陽

劉高祖龕取也

光曰龕與

項救河北

項羽

二方分崩一離一合設秦得

人如何

設假咸曰言義帝初立時關中既分為三秦而楚項又各歸一方當此之際設令秦尚有人

復起如何也。祕曰龕宜讀如戡戡克也假若義帝如初矯立而使劉漢戡定南陽項羽得救河北二方爭戰

一離一合設使秦尚得人以關中待之如何義帝楚懷王孫心也沛公項梁共立之以從民望是矯也漢王始

都南鄭屬山南西道而連南陽在山南東道項羽都彭城屬河南道而連河北道或人以其地勢言之曰

人無為秦也喪其靈久矣

非一朝一夕也。祕曰天下叛秦秦喪其社稷之靈已久

笑。○光曰天下

然怒莫為之用韓信黥布皆劍立南面稱孤卒窮時戮

無乃勿乎

窮極。○咸曰卒盡也言當是之時韓信方為漢黥布方為楚其鋒銳如劍之立而秦欲再

起南面稱孤以盡窮時戮無乃不可乎勿猶不也言不可也。○祕曰時是也韓信封楚王黥布姓英氏封淮南

王二王皆無其德徒以戰鬪立功使左右劍立南面稱孤終窮於是而見戮無乃勿為王其愈乎劉昭曰自天

子至于庶人咸皆帶劍故蕭何劍履上殿是也。○光曰信布以匹夫杖劍自立雖躡貴而禍辱隨之不若始者

勿或曰勿則無名如何

咸曰言不然則為秦臣者無功名如何

曰名者謂

令名也

祕曰夫貴名者善名也

忠不終而躬逆焉攸令

咸曰令善也焉安也

言所謂名者宜立善名也當此之時欲效其忠以為秦
且忠未盡而身已見害為之逆矣安可謂善哉○祕曰
二王皆忠不終而躬或問淳于越曰伎曲咸曰淳于越
齊人為秦博

士謂始皇曰殷周之王十餘歲封子弟功臣自為枝輔
今陛下有海內而子弟為匹夫卒有田常六卿之臣無
輔拂何以救哉事不師古而能長久者非所聞也請問
此問越之道如何而揚以為伎曲言有伎有曲也
咸曰問伎曲之目曰始皇方虎捫而梟磔噬士猶腊肉也越興

亢眉終無撓辭可謂伎矣

有才伎也。咸曰虎捫梟磔
言暴也噬士猶腊肉言酷也

興起也當是時始皇暴酷如此而越敢起而亢舉其眉
以言封建之事其辭不撓可謂有才伎也○光曰宋吳
本越與作越興今從李本捫仕無妄之國祕曰按易无
妄具乾道四

德而秦世稱之者蓋無妄匪正也言秦不以正道而決行於世詎免乎災害若天下雷行而不以正道天命不祐行矣哉
食無妄之粟分無妄之橈自令之間而不違可謂

曲矣

橈時榮也自令與始皇併心為無道。咸曰橈亂也自令謂自使令也違去也言秦亡道如是而越

自使令之間不能違去於秦以高飛遠引徒欲分解其亂雖能強言封建之事亦曲矣。祕曰越事秦暴虐必行之國祿其粟受其亂自始皇下令之間又不能違而去之是曲已李斯謬其說請有文學詩書百家語有蠲除去之令到滿三十日弗去黥為城
或問茅焦歷井幹

旦橈亂也或本作鮑。光曰並闕

之死使始皇奉虛左之乘

始皇以嫪毐事幽母咸陽宮諫者輒取於井幹闕下茅焦

歷井幹之上而諫始皇即駕與執轡虛左觀迎其母

蔡生欲安項咸陽不能移又

亨之或者未辯歟

項羽欲東還下邳蔡生說使都咸陽既不能移又為所亨案漢書云韓生

揚子云蔡生未知孰是。咸曰亨當作烹字之誤也言韓生說羽既不能移又為羽所烹殺也未辯者言韓生未能善辯使其都咸陽以免其殺。光曰幹音韓乘繩證切亨與烹同音義曰史記作蔡生光謂井幹謂始皇殺諫者二十七人積屍闕下如井幹之狀言茅焦能移始皇暴怒之意者以其辯也蔡生不能移項羽或者未

辯曰生捨其木侯而謂人木侯亨不亦宜乎

咸曰生謂韓上也木

侯當作沐猴亨亦當作烹也項羽既殺子嬰燒其宮室收寶貨婦女而東韓生說羽曰闕中阻帶山河四塞之地肥饒可都之項羽見秦皆已燒殘又懷東歸曰富貴不歸故鄉如衣錦夜行韓生曰人謂楚人沐猴而冠果然羽聞之乃斬韓生此言項羽之暴久矣韓生說之都咸陽既不能移即當自引反謂人為沐猴雖見烹亦宜

笑。祕曰：生既知羽如沐猴，捨而去之可也。乃謂人明言其沐猴而見烹，不亦宜乎？蓋不能危行言遜也。○光曰：言蔡生知項羽暴仇，素不為羽所知，信獻策不用，又從而訕之，是自有沐猴之狂也。易曰：君子安其身而後動，易其心而後語。焦逆許而順守之，雖辯劇虎牙矣。

逆意而諫順義而守

可謂辯說矣。然劇近虎牙，言其殆也。○祕曰：劇義如摩焦所諫，皆逆其意而許其事，所守皆陳母后之大義，至順之理，雖辯則辯矣。譬猶摩虎牙也。言無位而廷諫，履危之道也。○光曰：許居謁切劇音磨，直數其惡，是逆許歡之以考入之。或問甘羅之悟，呂不韋、張辟彊之覺，平以忠是順守。

勃皆以十二齡茂良乎？

祕曰：甘羅、甘茂孫也。以請張唐相燕及先報趙事，悟呂不韋辟

彊、張良之子也。以孝惠崩，呂太后哭不哀，事覺，陳平、周勃皆十二歲。豈甘茂、張良為之祖父使之然乎？○光曰：

以甘茂之孫張良之子故能如此其慧乎

曰才也茂良不必父祖

天才自然發其神心

無假祖父。祕曰人之生天與之才譬如茂良非假父祖使之然也。光曰言祖孫父子材性不必相類

或

問酈食其說陳留下敖倉說齊罷歷下軍何辯也

光曰酈音

歷食其音異基說音稅

韓信襲齊以身脂鼎何訥也曰夫辯也者

自辯也如辯人幾矣

幾危也小有才猶未聞君子之大道也斯足以殺其身而已。咸曰

食其說沛公以陳留天下之衝又願收取滎陽據敖倉之粟又說齊王田廣七十餘城已下矣而韓信為蒯通所說忌其憑軼之功遂乃夜渡兵平原襲齊是使齊王疑食其賣已乃烹之當是之時非食其之不能辯勢之然也何哉夫前與之和後暴之兵安使廣之不疑哉今揚之意言君子之所謂辯者當以正諫之道自辯其身

如仲尼之於衰周孟軻之於戰國爾若夫以辯說人則猶商君應侯之徒矣不亦危哉蓋恥之也。祕曰幾近

也夫辯者辯其禮樂之所歸行之而為君子也如事談說以辯於人不亦幾乎脂鼎哉。光曰幾音機辯者以

辯自明其志則可矣若恃其或問蒯通抵韓信不能下辯欲以欺誘他人此危事也

又狂之

祕曰蒯通說韓信使三分天下鼎足而立信不忍背漢遂謝通通說不聽惶恐乃陽狂為巫抵

擠也謂其談說若擠排使之。光曰信既不用其策又陽狂為巫言亦未辯

曰方遭信閉如

其抵

信盡忠高祖若門戶之閉無熾隙也

曰熾可抵乎

祕曰熾嶮熾也言若設熾嶮之詐謀

以動之其可抵乎

曰賢者司禮小人司熾況拊鍵乎

威

司伺也拊拍也言賢者伺見禮制則動小人伺見熾隙則作況拍去闕鍵乎。祕曰司主也賢者所主人事使

人惟禮是視不為小人
讖嶮之謀況信拍鍵而閉之乎
言不可為也拊拍也鍵鍵
鑰鑰光曰拊音撫鍵其輦切鍵
鑰匙也賢者見有禮則從之
小人見釁隙則抵或問李
之抵讖猶不可況閉戶無隙而欲拍鍵彊入乎

斯盡忠胡亥極刑

光曰太史公語

忠乎

光曰斯可謂盡忠乎

曰斯以留客

秦嘗欲逐諸侯之客斯上書以為不可秦聽之是一事忠

至作相

祕曰李斯楚上蔡人也斯嘆曰吾以

忠死宜矣而二世夷其三族此果忠乎始以逐客上書遂留之以至丞相言其信重○光曰因上書留客為秦

王所知始用事以至為丞相

用狂人之言從浮大海立趙高之邪說

廢沙丘之正阿意督責焉用忠

始皇信妖言東浮滄海斯為宰相也不能諫止

而從行及始皇崩於沙丘斯納趙高之計矯廢扶蘇而立胡亥胡亥既立縱暴斯諫之而見怒恐誅乃作督責

之書以阿二世之意此諸事皆非忠直。光
曰於此數事皆不忠欲於何所用其忠乎 霍祕曰或人以斯

非忠請問曰始元之初祕曰武帝以光行周公之事輔

霍光忠乎少主昭帝既立始元六年詔郡

國舉賢良文學之士遂罷郡國權酷昭帝

關內鐵於是利復流下庶人休息擁少帝之微

立年八歲政事一決擁燕上官之鋒祕曰始元之明年

光班固曰擁昭立宣燕刺王旦上官桀

等謀反皆誅滅之班處興廢之分祕曰昭帝立十三年

固曰摧燕王仆上官而崩無嗣光乃議迎

昌邑賀賀立二十七日行淫亂一千一百二十七事光

白太后廢昌邑王而立宣帝班固曰處廢置之際臨大

節而不堂堂乎忠難矣哉祕曰光茲數事之忠堂堂乎

可奪他人之所難行哉。光曰李

本作始六世之詔宋吳本作始六之詔音義曰天復本

作始元之初今從之始元昭帝年號也興廢謂廢昌邑

王立宣帝堂堂勇貌言此皆霍光忠於社稷之事人所難說

至顯不終矣

顯光之夫人名也毒

殺許皇后後光心知之而不討賊。祕曰光夫人東門顯使淳于衍毒殺許皇后因勸光納小女成君為后及光死後語泄上始聞之後李霍禹等印綬終至棄市。或曰光知妻顯為邪謀而隱藏不言忠不終矣。

問馮唐面文帝得廉頗李牧不能用也諒乎

祕曰馮唐為郎面對

文帝曰主臣陛下雖有廉頗李牧不能用也信文帝不能用乎。光曰頗洩禾反。

曰彼將有激

也親屈帝尊以信亞夫之軍至頗牧曷不用哉

祕曰唐知雲中

守魏尚擊匈奴有坐欲以激文帝耳至于不入細柳信亞夫之軍豈不能用頗牧哉。光曰信與申同面謂面

折德用士則聞之矣於德又何如。光曰問文帝之德

曰罪不孥

止罪其身不收入妻孥

宮不女

出宮人嫁之令無怨曠

館不新

仍舊制也

陵不墳

葬於霸陵因山不起墳

或問交曰仁

祕曰仁者不棄其交。光曰惟仁人之交不以利勢而以德義

問餘耳

陳餘

張耳

曰光初

有始無終。祕曰餘耳相與為刎頸之交後有隙卒相滅亡故曰光初班固曰勢利之交

古人羞之蓋謂是矣

竇灌曰凶終

竇嬰灌夫甚相親友不勝相助犯觸田蚡並皆罹禍。光曰竇

嬰灌夫之交雖不變其初然終以朋黨陷於大戮亦不足貴也君子義之與比

或問信曰不食

其言

食偽。祕曰孔安國曰食盡其言偽不實

請人曰晉荀息

祕曰僖公九年傳曰初獻

公使荀息傅奚齊公疾召之曰以是藐諸孤辱在大夫其若之何稽首而對曰臣竭其股肱之力加之以忠貞其濟君之靈也不濟則以死繼之

趙程嬰公孫杵臼

祕曰

晉景公三年大夫屠岸賈殺趙朔趙同趙括趙嬰杵曰
不死卒保趙孤於山中景公卒與韓厥謀立之即趙武
也子雲稱履信之人據司馬遷而言也案成公八年傳
晉趙莊姬為趙嬰之亡也曰原屏將為亂藥卻為徵六
月晉討趙同趙括武從姬氏畜于公宮以其田與祁奚
韓厥言於晉侯曰成季之勲宣孟之忠而無後為善者
懼矣乃立武而反其田由是觀之趙武

秦大夫鑿穆公

之側

此章全論不食言之德。祕曰秦大夫子車氏奄
息仲行鍼虎皆秦之良也穆公卒以為殉言此三

良皆穆公未即命時語以從死至葬則鑿其塚壙之側
以死之詩曰臨其穴是也左傳譏之者譏穆公也至三

良則不食

問義

既聞諸賢之信
又問於義誰得

曰事得其宜之謂義

義者

得死生之宜也不得死生之宜者非義也若程嬰杵曰
兼乎信義也秦晉大夫止可謂重言之信蹈義則未也

○咸曰行而宜之之謂義言仁智禮信之事行之俱得其宜乃合於義檀弓曰陳乾昔寢疾屬其兄弟而命其子尊己曰如我死必大為我棺使吾二婢子夾我陳乾昔死其子曰以殉葬非禮也況又同棺乎弗果殺茲得其宜也○光曰程嬰自殺以報公孫杵臼劉向以為過恐亦未盡其宜

或問季布忍焉可

為祕曰季布楚人也項籍使將兵數窘漢王項羽滅高祖購求千金困迫乃為奴賣與魯朱家○光曰季布

勇者乃至髡鉗為奴安能忍耻如此曰能者為之明哲不為也

言能忍辱貪生者乃

為之○祕曰進退必以禮義○光曰有才能自惜其死欲有所施如管仲季布者則為之君子既明且哲以保其身則

或曰當布之急雖明哲如之何曰明哲不終項

仕如終焉攸避

苟患失之無所不至○咸曰言明哲者見於未萌識於未兆觀項羽之庸烏肯

終仕之哉如終仕之乃非明哲矣如是則當其急也安可避耶。祕曰不終項仕猶言終不仕項言項羽不師古而奮私知謂之明哲豈終仕之哉如果有明主而終仕之安避其難。光曰明哲必知項羽之終不可輔而早去之若終仕羽羽敗當死之復安所避乎。或問賢曰為人所不能請人曰

顏淵黔婁四皓韋玄成

顏淵簞瓢不改其操黔婁守正不邪死而益彰四皓白首高尚

其事韋玄漢丞相賢之少子也賢薨玄當襲封被髮佯狂欲以讓兄。咸曰擬人必於其倫顏子至賢其殆庶幾黔婁四皓既非其儔況以韋玄不亦甚哉。祕曰顏淵之賢備體之賢韋玄之賢未至之賢王莽篡天下而韋玄讓一家於是乎賢耳亦猶論德行稱顏淵閔子騫冉伯牛仲弓凡此數子豈必皆與顏淵俱盡至賢之道哉。光曰李宋吳本無成字音義曰天復本作韋玄成今從之顏淵黔婁安貧四皓輕祿位而重禮韋玄成讓

爵皆人
所不能

問長者曰藺相如伸秦而屈廉頗藥布之不塗

朱家之不德直不疑之不校韓安國之通使

相如伸理於秦王屈

意於廉頗藥布為梁大夫奉使行高祖誅梁王彭城布使還報命首下哭而祠斂之也朱家以季布有阨見滕公得解其急也而不使布知又終身不復見布直不疑嘗為郎三人同室一人有金一人急歸誤持金去主意不疑不疑買金償之其後誤持金者還之主乃明之又人謗其淫嫂而云無兄亦不自明也韓安國梁孝王之內史時景帝疑梁王梁王大懼安國稱病去官陰往長安因長公主以解王事。光曰音義曰不塗作不倍光謂塗當作或問臣自得也。祕曰何以全臣之自得曰祕渝變也

揚恐不諭舉石太僕之對金將軍之謹張衛將軍之善其人以明之

慎邴大夫之不伐善

丞相石慶嘗為太僕時上問與中馬幾匹太僕以策數之畢對曰六

匹金將軍曰碑為人謹慎目不逆視數十年張衛將軍名安世為人周密重慎丞相邴吉宣帝少時以巫蠱事嘗在獄中吉嘗救護又養視有恩絕口終不言請問臣官至御史大夫乳母述之然後乃知封博陽侯

自失

咸曰邪而私乃臣之自失也

曰李貳師之執二田祈連之濫帥

韓馮翊之愬蕭趙京兆之犯魏

貳師將軍李廣利說劉屈氂立昌邑王為太子

二心不端武帝疑之遂降匈奴祈連將軍田廣名為宣帝擊匈奴不利質淫婦人也韓馮翊名延壽愬御史大夫蕭望之與廉犧為姦而焚其廩也趙京兆名廣漢或疑魏丞相夫人殺侍婢圍捕之而無實反獲其罪也

問持滿曰扼歌

歌器在魯桓公廟者欲人推心當如此器戒之○咸曰扼抑也猶抑損之也言

持滿者當自抑損以正其敬不然則覆矣。祕曰扼亦也。魯桓公之廟有敝器曰宥坐之器虛則欬中則正。汎則覆持滿盈如持敝器也。光曰楊王孫僂葬以矯李本無歌字今從宋吳本扼於革切。世悼厚葬也。祕曰楊王孫孝武時人學黃老之術報祈侯曰蓋聞古之聖王緣人情不忍其親故為制禮今則越之吾是以僂葬將以曰矯世以禮。祕曰若用過矯世也。光曰僂郎果切。

哀僂乎如矯世則葛溝尚矣

古者未知喪送之禮死則裹尸以葛投諸溝壑若王

孫之矯世此事復尚為之矣言不可行也孝子仁人必有道以掩其親賢人君子必率禮以正其俗。光曰尚上也言君子矯世當以禮乎當以僂乎若欲為己甚以矯世則莫若效古葛溝者為上矣何以葬為或問

周官曰立事

咸曰制三百六十官可謂立事矣。光曰設官分職以治萬事

左氏曰品

藻

咸曰左氏隨事稱君子曰以論其善否皆得其當可謂品藻矣。祕曰左氏品藻是非而聖人之褒貶彰

矣。光曰品第善惡藻飾其事

太史遷曰實錄

不虛美不隱惡。咸曰遷採春秋尚書國語戰

國策而作史記其議事甚多疏略未盡品藻之善故揚雄稱實錄而已蓋言但能實錄傳記之事也。祕曰本傳曰自劉向揚雄博極羣書皆稱遷有良史之才服其善序事理辯而不華質而不俚其文直其事核不虛美不隱惡故謂實錄蓋言其序事而已。光曰記事而已

楊子法言卷七

謹案卷六第九頁前三行光曰瓏璫刊本瓏訛玲
今改

第十一頁前一行盧弓一盧矢百也刊本訛作旅
弓百旅矢千按此註引書文侯之命刊本因左
傳旅弓矢千句而誤今據尚書及本書先知篇
吳秘注改

第十四頁前二行先令後刑刊本刑訛形今改
第十四頁後五行亦可畏也刊本亦訛不今改

第十七頁後六行猶君之有股肱也刊本股訛服

今改

卷七第一頁前八行故究論其要刊本究訛救今

改

第三頁後五行皆志在自報其讐刊本在訛置自

字下今改

第四頁前二行范蠡諫以為未可刊本以訛之今

改

第六頁後三行吉夢黃蛇刊本蛇訛蛇據通鑑改
第八頁後五行雍翟塞也刊本雍訛維今改

第十頁前七行宋吳本作顯懿作顯德上作字疑

衍

第十一頁後二行猶言倣擾也刊本倣訛淑今改

第十二頁前七行其辭不撓刊本不訛可今改

第十七頁前三行以其田與祁奚刊本祁訛祈又

宣孟之忠刊本忠訛勲並據左傳改



總校官庶吉士臣侍朝

校對官學正臣劉景岳

膳錄監生臣沈毓鳳

膳錄舉人臣陳賓